

讀  
春  
秋  
管  
見

凝園讀春秋管見卷之九  
慎齋羅典徽五氏定稿

襄公

男紹邴孫

善恕賢

校字

元年

春王正月公即位

仲孫蔑會晉欒黶宋華元衛甯殖曹人  
邾人邾人薛人圍宋彭城

讀春秋管見

卷九

襄公元年

管見去年冬十有二月同盟於虛打。為今年春正月五  
宋彭城而期以會師也。其會師不煩諸侯。蓋晉侯於同盟  
時已命之矣。大國使卿將以故仲孫蔑會晉欒黶及宋華  
元衛甯殖皆卿也。惟齊卿國佐不至。馬小國使大夫將。曹  
亦有卿而與莒邾滕薛之以大夫將者一例。稱人以其不  
若前之戰於鞏其公子首猶可以名見也。邾子貍同盟於  
虛打而莒與滕薛皆從於邾以會師則何以致之。邾子事  
晉久自晉侯孺以成之五年同盟於蟲牢其班以邾子先  
杞伯使為東方諸小國之倡是後救鄭及同盟於馬陵再  
同盟於蒲莒子皆至。迨厲公州蒲伐秦滕亦從焉。殆並由  
邾子之致之耳。值茲悼公周初立與襄公同年改元即以  
春正月會師國宋彭城其會者莒邾滕以外又增以薛則  
必晉侯以四國皆近宋彭城使邾子代為乞師故莒邾滕  
薛之大夫各以師會遂得因曹之下卿而聯叙之曰曹人  
莒人邾人滕人薛人也。莒較強於邾邾當亞之滕薛則守  
遜於邾者其君然其臣亦當然矣。至傳言國宋彭城謂晉

以五大夫在彭城者歸。寘諸鉅邱。齊人不會。晉人以為討。  
二月，齊太子光為質於晉。五大夫者，魚石及其向為八鱗。  
朱向，帶魚府也。晉以之歸，而寘諸鉅邱。經不書以九國之  
師，則一彭城宋魚石等五人及楚所留成之三百乘，蓋度  
如矣。尚何待言哉？若齊侯之不同盟於盧村，而但以崔杼  
米及崔杼受盟以歸，又於圍宋彭城之時，未嘗以師至，則  
晉之有辭以討齊之以太子光為質於晉，蓋  
亦有焉，而要無足云也。故春秋並從畧云。

# 夏晉韓厥帥師伐鄭仲孫蔑會齊崔杼曹 人邾人杞人次于鄆

管見前成公末年夏楚子鄭伯伐宋，宋魚石復入於彭城。  
此襄公元年春正月仲孫蔑會晉欒黶、宋華元、衛甯殖、曹  
人、莒人、邾人、滕人、薛人、圍宋彭城，亦既執魚石等，而以彭  
城歸於宋矣。於是晉侯即謀以其夏伐鄭，討鄭之從楚，以

助叛臣而逼其君也。但首書晉韓厥帥師伐鄭。若晉侯之意。以為春方圍宋彭城。而夏復伐鄭。不欲更勤諸侯之師。故然而其下即聯書仲孫蔑會齊崔杼。曹人邾人杞人。次于鄆者。杜注。鄆。鄭地。在陳留襄邑東南。次為屯止其地。以待命。欲以作晉師之聲援耳。凡皆晉不徵其師而自往會之。故經文不言仲孫蔑會。晉韓厥而其所會者。惟齊崔杼及曹人邾人杞人。杞人初不如圍宋彭城。其間並及宋華元衛甯殖也。不然。晉之伐鄭。苟徵師於諸侯。豈得不有資於宋衛乎哉。次于鄆之役。殆皆齊崔杼為之牽率也。晉於春正月圍宋彭城。齊崔杼不與。是同盟於虛杙而背之矣。晉以為討。使太子光為質於晉。而遂釋然與。今及伐鄭而以師次于鄆。欲為先之。未得同於圍宋彭城者。救過也。然非厚集其勢。亦不足為晉之聲援。於是崔杼自度如魯卿仲孫蔑及曹卿與邾大夫皆嘗會晉。樂厲以圍宋彭城者。因而招之。知必諾。故當晉韓厥帥師伐鄭。而仲孫蔑會齊崔杼及曹人邾人並及杞人。以次于鄆。與晉師東。西遙相應。焉

我晉之同盟於虛打與夫國宋彭城者皆無與也。人何以亦次于鄆也。蓋鄆在陳留之襄邑襄邑即今開封府河南歸德府睢州附近杞縣是為杞伯之國介於宋衛之間而小雖有卿特曹卿之亞亦不得與宋華元衛甯殖為伍則由鄆以徵其師使同為晉師以壯其伐鄭之勢杞復何辭以謝乎。然但書次于鄆而止則知晉韓厥之帥師伐鄭未嘗用鄆之師也。夫非伐鄭而鄭已服哉。惟是鄭之服不外於請平。晉因鄭之服而舍之亦不外於許其平耳。彼鄭之翻覆無常已久及茲服而請平何可信也。故亦但書伐鄭而止不書晉及鄭平。

## 秋楚公子壬夫帥師侵宋

管見家氏鉉翁曰楚納宋之叛人晉以諸侯之師圍宋彭城克之執魚石等五大夫以歸楚不知自反以兵加宋將以雪恥也。此說不以楚之侵宋為救鄭最為卓識。至經文但書侵宋而傳以為侵宋之呂留亦當從之。呂留杜注二

言是年九月

縣今屬彭城郡彭城為宋地楚伐宋取彭城而以宋魚石據之戊以三百乘是彭城為楚有矣由此年春正月晉以諸侯之師克彭城彭城復為宋有則楚之欲雪恥而使公子壬夫帥師侵宋其稱及宋彭城之呂留者必可信矣

# 九月辛酉天王崩

## 邾子來朝

## 冬衛侯使公孫剽來聘晉侯使荀息來聘

管見左傳曰凡諸侯即位小國朝之大國聘焉以繼好結信謀事補闕禮之大者也而胡傳則謂此年九月辛酉天王崩諸侯皆宜以所聞先後而奔喪今邾子方來修朝禮衛侯晉侯方來修聘禮於工喪若罔聞焉左氏猶以為禮是何禮乎此其持論甚正或以杜氏預云辛酉為九月十三冬者十月初也魯邾衛晉四國行朝聘之事適由王之

赴告未至於魯耳。遂謂此時不廢制聘未為非禮。殆非確義。按杜氏定指辛酉為九月十五。亦就其所作長曆推之。其不足深信。毋論已。竊攷儀禮之聘禮。言聘君若薨於後。人竟則還。赴者未至則哭於巷。哀於館。受禮不受饗。食赴者至則哀而出。惟稍受之。聘君若聘使之君也。其君薨於既命使之後。聘者惟入竟則遂。未入竟則反而奔喪矣。且聘使之入。人則遂。所以卒乃聘事者。雖亦必以吉服行之。然當赴者。不至於主國。則已。哭於巷。哀於館。豈嘗聞君薨而處之若常。必待赴者至而後哀而出哉。且聘臣之聞君薨。哭於巷。不哭於館。哀於館。不遽哀而出。徒為所聘之國無故。不可正以喪禮。干主國之君臣耳。至若天下之大小諸侯。而值天王崩。其傅攝如迅雷疾風。四海震動。聞之則皆哭。哭已則皆哀。於斯時也。或有聘臣在國。未及將事。猶令其乘王之赴。未至而以吉服行禮。可乎。不可乎。聘不可。則朝亦同之。



二年

春王正月葬簡王

鄭師伐宋

管見左傳謂鄭師伐宋楚令也是矣去年秋楚公子壬夫帥師侵宋今年春正月復令鄭伐宋皆以先得宋之彭城而戍之旋由晉之為宋圍彭城而取之有不能忘情焉耳其伐宋非由鄭志故春秋之書鄭師伐宋一似鄭之師並無主之者然所以著其為楚令也

夏五月庚寅夫人姜氏薨

管見成十四年秋叔孫僂如如齊逆女九月僂如以夫人婦姜氏至自齊即此夫人姜氏也襄公為定姒所生定姒

者成公之妻則是夫人姜氏乃其嫡母矣

# 六月庚辰鄭伯踰卒

管見高氏閔曰不書葬者以鄭伯踰附楚故諸侯不會葬也。按傳言鄭伯踰疾子驷請息肩於晉公曰楚君以鄭故親集矢於其目非與人任寡人也若背之是棄力與言其誰暱我免寡人惟二三子是其附楚之志至死未有以易也既告絕於中國諸侯豈惟不會其葬哉度亦未有於其卒而弔之者

# 晉師宋師衛甯殖偪鄭

管見去年夏晉韓厥帥師伐鄭仲孫蔑會齊崔杼曹人邾人杞人次於鄆鄭亦服至秋而楚公子士夫帥師侵宋鄭仍附楚乃於今年春正月以師伐宋因楚令也於是晉侯主兵使由六月以師侵鄭而報其伐宋焉其徵師相濟則

惟及於宋衛二國。以其在前韓厥之伐鄭。皆未嘗與仲孫  
茂齊崔杼曹人邾人杞人同次於郕者也。彼嘗次於郕者  
則不欲更勤之矣。晉師宋師不言將。衛甯殖不言師。互見  
焉耳。但師衆不可指數。其將無名。惡知其為誰哉。而經文  
不慮其疎。則以有借證也。如下秋七月之會於戚。聯書晉  
荀瑩宋華元衛孫林父。則六月之晉師宋師與衛同侵鄭  
者。其晉師必帥於荀瑩。宋師必帥於華元。可概見矣。惟會  
於戚者為衛地。衛孫林父世有食邑於戚。殆即此耳。故當  
秋七月之會於戚。晉荀瑩宋華元之列。特以孫林父參之。  
而甯殖不與焉。是則此書六月侵鄭之師。其於衛甯殖固  
有不得。不  
以名見者。

秋七月仲孫茂會晉荀瑩宋華元衛孫林  
父曹人邾人于戚

見此年冬仲孫蔑會晉荀息卒。莊子宋華元衛孫林父  
曹人邾人滕人薛人小邾人於戚遂城虎牢。虎牢為鄭之  
畿邑。城虎牢。晉志也。必由晉能取之。而後得城之矣。由此  
以推。前於夏六月。書晉師宋師衛師殖侵鄭。不言其功。夫  
非即是。侵鄭之虎牢。而取之乎。及此秋七月。又書仲孫蔑  
會晉荀息宋華元衛孫林父曹人邾人於戚。不言其事。夫  
非即是。謀以所取於鄭之虎牢。而城之乎。故及其冬。而書  
仲孫蔑會晉荀息宋華元衛孫林父曹人邾人滕人薛人  
小邾人於戚。其城虎牢者。特着一遂字。而其虎牢。既得城。  
虎牢之謀。亦先定。皆可想見其概。而不待叠為指出矣。至  
此秋七月之會於戚。即因謀城虎牢者。晉荀息主之。宋華  
元及衛孫林父之代。殖殖者。輔其志耳。左傳特謂孟獻子  
請城虎牢。以偪鄭。恐未必然。致宣公九年。始書仲孫蔑如  
京師。及茲襄公二年。積之既三十。年矣。中間惟宣之十五  
年。書仲孫蔑會齊高固於無雙。成公五年。書仲孫蔑如宋。  
六年。書仲孫蔑叔孫僂如師。師侵宋。以後終成公之世。無

所見。蓋仲孫蔑不干政柄。前則讓公子。遂後則讓季孫行父。非以勲名為汲汲者。惟此襄公之元二年。值晉悼公周新立。先年冬。仲孫蔑會晉侯。宋公。衛侯。邾子。齊崔杼。同盟於虛打。元年春。仲孫蔑會晉樂廩。宋華元。衛甯殖。曹人。邾人。滕人。薛人。圍宋彭城。夏。晉韓厥帥師伐鄭。仲孫蔑會齊崔杼。曹人。邾人。杞人。次於鄆。二年。晉師。宋師。衛甯殖侵鄭。秋。七月。仲孫蔑會晉荀罃。宋華元。衛孫林父。曹人。邾人。於戚。冬。仲孫蔑會晉荀罃。齊崔杼。宋華元。衛孫林父。曹人。邾人。滕人。薛人。小邾人。于戚。遂城虎牢。夫亦幾於奔命。不遑矣。使以晉侯發憤。有為勲。不乖義。乃相與勉從事。不敢同於齊。崔杼之或會或不。會。遂至晉。以為討。不獲已。而特使其太子光為質焉耳。豈肯以謀鄭效誠。特畫一城虎牢之策。以為小大邦增之勞。役哉。於斯時也。仲孫蔑會晉荀罃。及宋華元。衛孫林父。初未嘗倡為城虎牢之謀。而其說亦既聞之矣。惟前因韓厥之伐鄭。而有所會。以次於鄆者。於齊崔杼不克遇。其諸弱小之國。若曹人。邾人。則伯正而

亦有未得從之之祀人焉此於晉之謀城  
此年不之會於成又豈嘗有不聞者哉

# 己丑葬我小君齊姜

管見齊諡也夫人之別為諡自文姜始七而效之在前之  
妾母若成風若敬嬴亦皆有諡則此成公夫人之諡齊姜  
亦可與無諡矣蓋春秋於是年夏五月庚寅書夫人姜氏  
薨秋七月己丑吉葬我小君齊姜特為後二年之秋七月  
戊子書夫人姜氏薨八月辛亥吉葬我小君定姒立案耳  
家氏鉉翁曰如氏成公之妾也前年既書夫人姜氏而復  
有夫人如氏是一君而兩夫人  
正所謂不待貶而義自見者

# 叔孫豹如宋

管見叔孫豹僑如之弟也趙氏鵬飛曰叔氏自公孫穀叔  
孫僑如再世為卿至叔孫僑如其橫溢甚詭謀一敗匍匐

奔齊叔孫之黨沮矣。今襄公即位。幼未能君。會盟征伐。車於仲孫蔑。蔑孟氏也。季孫行父為正卿。而實耄矣。故叔氏復出而任聘問之事。將以漸而干政也。此說極得春秋始書叔孫豹之旨。至其如宋之故。左傳以為聘也。通嗣君也。是殆然矣。蓋爾時魯之國中無事。此襄公之即位二年。晉悼公周頻有事於會盟。侵伐皆令其卿。驪。厲。荀。榮。主之。於是魯與齊宋衛曹及邾莒滕薛杞小邾亦并使其卿。大夫交馳於中國。幾若不知有君在矣。然則此年秋七月之叔孫豹如宋。特以聘通嗣君。猶是其君之主於繼好結鄰也。雖常事而春秋亦書之。其意蓋曰。賴有此耳。

冬仲孫蔑會晉荀罃齊崔杼宋華元衛孫林父曹人邾人滕人薛人小邾人于戚遂城虎牢

晉見前秋七月之會于戚。謀城虎牢也。齊在杞不至。雖嘗  
北政以謝。及此冬之會於戚。城虎牢。齊太子光猶然為  
質於晉。齊在杞能不惜討而諷前之不及。而宋彭城以背  
虛打之。盟哉。故當仲孫蔑會晉荀偃而齊在杞亦已至其  
班有宋華元衛孫林父次之。若夫曹人邾人滕人薛人是  
為前之國。宋彭城所畢集者。惟爾時有莒人在列。而此會  
不與焉。蓋以莒處東偏而小。彼大國之表東海如齊者。其  
卿在杞亦已受功如晉之今。則他可勿計已耳。且又得有  
初從晉役之小邾人。晉即以是不苛責於莒者。使後來有  
所勸勵。豈非計之得哉。至去年夏之韓厥伐鄭。杞從仲孫  
蔑齊在杞及曹人邾人同次於鄆。其國介宋衛之間。而其  
不與晉之兩會于戚與莒同是殆以杞女為悼公夫人。晉  
亦不復使人徵之故。爾由是而仲孫蔑會晉荀偃齊在杞  
宋華元衛孫林父曹人邾人滕人薛人小邾人于戚。遂城  
虎牢。戚為衛地。虎牢為鄭地。其先會于戚者。即使屬役賦  
丈。書以授帥而效諸晉焉。一旦而城虎牢。各督其徒以重



在。亦管刻日竣事。率以軍律制之。雷厲風行。如對大敵。而築壘。以自固。不幾時而已。屹然成巨鎮也。故稱遂焉。遂成虎牢。則亦鄭人之所不及料者。

# 楚殺其大夫公子申

管見按楚之大夫公子申。懼而自殺也。由楚子怨之。而自殺。故特書楚殺其大夫公子申耳。其但稱楚者。對晉言之。成公十六年。楚救鄭。晉及楚子期伯戰于郟陵。呂錡射楚子中目。楚子期師敗績。此恥何以雪之。十八年。值晉弑其君州蒲。楚子因急乘此間。以期伯伐宋。宋魚石復入於彭城。置三百乘戍之。是楚得有宋彭城矣。踰年為今襄公元年。亦晉悼公周之元年也。其春正月。仲孫蔑會晉欒黶。宋華元。衛甯殖。曹人。莒人。邾人。滕人。薛人。圍宋彭城。克之。楚之有彭城者。既失。又踰年為襄公二年。亦晉悼公周之二年也。其秋七月。仲孫蔑會晉荀息。齊崔杼。宋華元。衛孫林。

父曹人邾人滕人薛人小邾人于戚遂滅虎牢。虎牢為晉有。鄭失虎牢而楚惡得。不失鄭耶？楚子審在位已二十年。晉侯周終二年。初。圍宋彭城。繼城鄭虎牢。晉侯不出而獨以其卿率麇荀偃任之。皆奏績。楚有令尹司馬官最尊。委任最重。其時之令尹公子嬰齊前猶帥師再伐鄭以服鄭。亦帥師伐莒。莒潰。得入鄭。以後未有勞。公子壬夫為令尹。嬰齊之佐。惟以晉之圍宋彭城既克。聊一帥師伐宋。亦無足云也。至于公子申者。為司馬主兵。先見楚之失宋彭城。無若晉何。今復不復保鄭之虎牢而聽晉之城之。亦失鄭在楚之養兵何用。其必置司馬以主兵。又何事乎？楚自莊王創霸。傳其後嗣。曾不得有一如晉之樂麇荀偃者為之。專閫外之寄而徒坐視其國之不競。至此楚子之怨能不因以微色發聲也哉？於是令尹公子嬰齊及公子壬夫皆懼。而公子申尤大懼焉。其勢必防楚子之假他端以洩怨。乃決計自殺。即不出此。晉城虎牢之冬也。晉城虎牢則楚殺其大夫公子申。故知經文之但稱楚者對晉言之。不必

更求  
他說

三年

# 春楚公子嬰齊帥師伐吳

管見吳自成公七年伐鄭入州來十五年叔孫僑如會晉士燮齊高無咎宋華元衛孫林父鄭公子魋邾人會吳於鍾離是吳為此會以通於晉也及經七年而值茲襄公之三年春楚公子嬰齊帥師伐吳高氏閔曰楚始志伐吳為吳為鍾離之會故也楚自鄢陵之戰其勢稍屈畏諸侯并力謀之而吳乘其間故先伐吳以張其勢也此說極中伐吳情事但此前二年晉以欒黶會圍宋之彭城又旋以荀偃會城鄭之虎牢宋失彭城而復有楚不能守之鄭失虎牢而將貳楚亦不能禁之復何暇計及于伐吳哉竊意伐吳之役特以公子嬰齊帥師則其謀伐吳者亦必出於公

于嬰齊可知。公子嬰齊何以適有是謀。蓋以去年冬。楚子  
激於晉之圍宋彭城。且城鄭虎牢。遂謂楚之重臣。未有得  
如晉樂厲荀偃者。怨之。時司馬公。子申。懼而自殺。故書曰  
是殺其大夫公子申。至於公子嬰齊。以令尹執政久。當此  
能無懼乎。於是思晉敵方強。未可以即。國特擬吳之為會  
于鍾離。以通晉者。當先伐之。遂進說于楚子。請自帥師以  
伐吳。與得僥幸有功。借以終免於罪戾焉耳。然左傳叙伐  
吳本末。則稱楚公子嬰齊伐吳。為簡之師。克鳩茲。至於衡  
山。使鄧廖帥組甲三百。被練三千。以侵吳。吳人要而擊之。  
獲鄧廖。其能克者。但組甲八十。被練三百而已。嬰齊歸而  
飲至。三日。吳人伐楚。取駕。駕良邑。鄧廖亦楚之良君子。謂  
是役也。所獲不如所亡。楚人以是咎公子。嬰齊嬰齊病之。  
遂遇心疾而卒。心疾者何。注以為憂患。憂患亦懼也。懼不  
可解。而此生能速了乎。殆亦或縱或飲。耽以自殺而已。其  
稱遇心疾而卒。欲諱之也。尤夫公子嬰齊之懼而自殺。與  
公子申同。而伐吳之後。卒不書楚殺其大夫公子嬰齊者。

以公子嬰齊。徒思避罪邀功。不顧晉憂。方大而復招吳寇。以病楚。彼其克鳩茲。至衡山。何傷於吳。而旋致楚之良有。鄧廖者。以侵吳被虜。遂大喪其組甲。被練之簡師。亡駕之良邑。此其懼而自殺。猶不可謂其一死之足。以塞責也。尚得同於公子申之稱國以殺。使後之讀者。或至疑為罪累。楚子哉。鳩茲。衡山。駕。見傳中。策纂詳解之。當錄以備考。鳩茲。杜注。吳邑。在丹陽蕪湖縣東。今蕪湖縣東四十里有鳩茲港。是已。屬江南太平府。衡山。杜注。在吳興府烏程縣南。按烏程。乃湖州府附郭縣也。去蕪湖甚遠。今太平府當塗縣東北六十里。有橫山。似為近之。攷衡之與橫。古通。如馬貢衡潭。檀弓冠衛縫。齊風衛從其歌。皆是。山之名。衡者。惟南嶽專之。天下之諸山。當不得同其稱號。成公十七年。楚人滅舒庸。傳稱舒庸人以楚師之敗也。遁吳人圍巢。伐駕。圍釐也。杜注。巢。駕。釐也。楚四邑。今俱在江南廬州府境。

# 公如晉

晉見左傳曰公如晉始朝也。按公之如晉以朝仲孫蔑相  
為其朝晉之意殆欲奉晉悼公周以為霸主耳。凡為霸主  
必能令諸侯以同盟其諸侯之合又必諸侯中得一為之  
倡者而後相與從之勢固然矣。今晉悼公方即位二年既  
圓宋彭城復城鄭虎牢楚皆不能救魯之季孫行父知其  
必將霸也乃使仲孫蔑與其幼君以朝於晉即奉晉侯為  
霸主焉。矢無貳且請約諸侯以共奉晉侯為霸主焉亦各  
矢無貳魯為宗國其首議率先誰曰不宜。雖其君襄公猶  
未免為童穉而其相之之仲孫蔑則老成有素也。此二年  
來晉之會盟征伐無役不從而皆有成事非其明驗哉。以  
故晉侯悅而從之。夏四月壬戌公及晉侯盟於長檮。六月  
公會單子晉侯宋公衛侯鄭伯莒子邾子齊世子光己未  
同盟於雞澤而晉悼公  
周遂居然為霸主矣。

# 夏四月壬戌公及晉侯盟于長檮

讀春秋管見

卷九

襄公三年

十一

晉見孔氏穎達曰。長檮。近城之地。文公三年。公如晉。公及晉侯盟。盟不書地。在晉都也。此時晉悼公出其國都。與襄公盟於長檮。在近城之地。當是悼公。雖以待人。不敢使國君就己。乃出盟於外。一似兩君相就者。然也。按公及晉侯盟。亦盟其奉晉侯為霸主之誠而已。公如晉而以請盟示信。晉侯亦重公而以出盟於長檮示謀。在諸侯聞之必應生其慕向。此晉侯以四月盟公於長檮。六月即得會諸侯以同盟雞澤與。

## 公至自晉

六月公金甌。單子晉侯。宋公衛侯。鄭伯。莒子邾子齊世子光。己未同盟于雞澤。

晉見按霸主之合諸侯。書同盟者。皆以識其僭耳。前莊公十六年。冬十二月。會齊侯。宋公。陳侯。衛侯。鄭伯。許男。滑伯。

滕子同盟於此。此齊桓之始霸也。其同盟之義。劉氏敏以爲殷同之同。不主公羊同欲之說。此實得春秋之旨。蓋會同見觀禮。爲壇加方明於其上。秋官司盟職曰。凡邦國有疑會同。則掌其盟約之載。及其禮儀。北面而詔明神。神即方明也。夫諸侯會同。以不協而盟於天子之國。當必以其方。伯涖之。今晉侯之勢特霸。魯先奉爲霸主。既及晉侯。盟於長樛。即謀爲之糾合。諸侯使得同盟於雞澤也。然晉侯初非方伯。徒因其勢之將霸。羣推之以主是盟。則謂之私盟焉耳。彼諸侯之同盟。晉侯未能爲方伯。以涖之。顧可入而主之以疑於方伯乎。而晉侯則尤欲假寵於周。以示其非私盟矣。秋官大司寇之職。凡邦之大盟約。則涖其盟書而登之於天府。大司寇者。王卿也。此時之尹子單子。並爲王卿。苟得其一以涖盟書。尚得爲私盟。與轉憶晉侯州蒲。以兩年而三伐鄭。單子嘗再厯行間。此近事也。晉侯周因之。但欲期單子以爲會盟。增重能毋從乎。至於久與晉侯者。爲宋公衛侯。改事晉侯而背楚者。爲鄭伯。新使從。



于晉之圓宋彭城者。為莒子數使從於晉之圓宋彭城次。郕會戚城虎牢者。為邾子則皆魯踐長檮之盟而使約之也。惟齊與晉匹。據左傳云。晉將合諸侯。使士匄告於齊曰。寡君使匄以歲之不易。不虞之不戒。寡君願與一二兄弟相見。以謀不協。請君臨之。使匄乞盟。晉之於齊。殆亦必有然者。及邾齊侯不至。而但使其世子光來。其意亦以齊霸雖衰。而表海之雄圖未泯。初不欲躬狗士匄之來。請以遂成晉侯之霸也。按此前二年。傳稱晉之圓宋彭城。齊崔杼受盟。虛打而師不會。晉以為討齊使。世子光為質於晉。其後晉韓厥伐鄭。齊崔杼以師次於鄭。去年秋。晉為戚之會。以謀鄭。齊崔杼雖未及與。而其冬之城鄭虎牢。齊崔杼亦受功焉。凡皆以世子光為質於晉故也。既城虎牢。鄭由以服。則晉於此年夏。將合諸侯。以同盟於雞澤。使士匄請於齊侯。以臨之。晉必使其世子光之為質於晉者與士匄歸於齊矣。世子光既歸。於是齊侯不辭士匄之請。而卒之託故不行。使世子光從諸侯之後。以受盟也。晉侯既服鄭。方

將抑楚。知齊侯。非敢抗者。且世子光實為君嗣。以代齊侯。何嫌乎。故當夏六月。公會單子。晉侯。宋公。衛侯。鄭伯。莒子。邾子。齊世子光。已未。同盟於雞澤。杜注。雞澤在廣平曲梁縣西南。後漢志。曲梁侯國有雞澤。即春秋諸侯同盟處也。今曲梁故城在直隸廣平府東北。

## 陳侯使袁僑如會

一晉見高氏閔曰。自宣公十一年。楚子陳侯鄭伯盟於辰陵。及茲二十有八年矣。晉屢爭鄭而不爭陳。非不爭陳也。得鄭則亦得陳焉耳。今陳侯聞鄭伯受盟。故使其大夫袁僑求成於晉。本非召會。來又後時。故書如會也。按陳侯之使袁僑如會。其故匪他。徒以鄭伯既服於晉。度晉師必將及陳。故特使袁僑如會。以通附晉之意。觀是年冬。晉荀息帥師伐許。則陳侯之謀國亦得計矣。袁僑之來。非必後時。殆由晉方會諸侯。以同盟於雞澤。陳侯不如會。而以其大夫

往不得與於同盟之列。固必待其盟訖而後有所因以徐達於晉侯也。與

# 戊寅叔孫豹及諸侯之大夫及陳袁僑盟

晉見此條但書諸侯之大夫及陳袁僑盟可也。而必首稱叔孫豹者何。蓋以陳袁僑之如會不召而自來於晉大夫無交或因叔孫豹以得見晉侯也。既致命陳袁僑當僑見諸侯並偏見晉大夫與諸侯之大夫也。維時晉侯當此以陳之屬楚為外蔽者久。今改而附晉國小而孤立其大夫袁僑亦微必使諸侯之大夫與袁僑盟乃得之初無事刑牲歃血惟是約誓以詒之明神而止。以此使袁僑復於陳侯陳侯知其使如會者莫得會之已焉。豈敢望盟哉。至會而後盟雖係諸侯之大夫亦由諸侯命之且由晉之統命之也。殆將憑恃有盟以託其國可不至仍以畏楚而懷貳心矣。其盟使晉大夫蒞之而以叔孫豹通於諸侯之大夫即歃日以盟之。故春秋書曰戊寅叔孫豹及諸侯之大夫

及陳袁僑。盟。細玩兩及字。此盟之初。為牽合。以繼成交。際者。其皆叔孫。豹之。承命晉侯。而亟於從事。可知矣。然非禮也。陳侯之使袁僑如會。志欲附晉。必求帛。加書。特命使達於晉侯。及還。晉侯使大夫束帛。反命。亦為書。以報陳侯。此可據儀禮之聘禮記斷之。晉侯何用使諸侯之大夫與袁僑盟哉。穀梁傳云。諸侯盟。又大夫相與私盟。是大夫與袁故雞澤之會。諸侯始失正矣。此為定案。

## 秋公至自會

## 冬晉荀罃帥師伐許

晉見按僖公二十八年。晉文公將霸。乃合諸侯以盟於踐土。陳侯款不及盟。而如會。欲附晉也。既至而卒。晉以陳子朔及諸侯會於溫。以陳安。惟許男棄不附。晉使諸侯遂伐許。及茲襄公三年。晉悼公將復霸。因合諸侯以同盟於雞

澤。陳侯午不及盟。而使袁僑如會。亦欲附晉也。既至而會。晉復以叔孫豹及諸侯之大夫。及袁僑盟。而陳亦安。惟許男溺不附。晉遂使荀偃帥師伐許。取以相較。文公之前事。不即為悼公復事之師哉。蓋霸國之以威脅。以力爭。必服而後舍之。有貳則急討之。其志行。禍。階。忌。尅。無。人。君。之。度。者。類。如。此。

四年

春王三月己酉陳侯午卒

管見前晉文公之盟於踐土。在僖公二十八年之五月。陳侯如會。蓋力疾而往耳。故六月書陳侯款卒。晉悼公以今襄公之三年六月同盟於雞澤。陳侯使袁僑如會。則亦以寢疾不得行故也。觀此四年春王三月。書己酉陳侯午卒。則可見矣。或言陳自盟於辰陵以從楚。其背晉已久。故陳侯新欲附晉。而疑慮不決。乃先遣袁僑如會以嘗之。是殆

皆見左傳云楚人使聞陳而侵伐之故陳人圍頓其事不見所據高氏閔則謂僖公二十五年楚人圍陳納頓子於陳陳人畏楚而不敢討頓子恃楚而不事陳今陳復從晉而頓為楚間故國之是又推及陳人之報舊怨矣按楚子願之圍陳以納頓子當陳侯款時陳即於楚僖二十八年晉文公盟于踐土陳侯如會遂從晉旋卒陳侯朔立文十三年陳侯朔與楚子商臣俱卒陳靈公立宣元年楚子旅侵陳陳復與楚十年陳夏微舒弑靈公十一年楚子穀夏微舒入陳遂歸陳而有之已而復迎立陳太子午君陳如故及此襄之四年楚子審之二十一年也陳侯午以三月卒以六月薨凡在位三十年皆事楚由卒之先年晉合諸侯以同盟于維澤陳侯使袁僑如會晉以叔孫豹及諸侯之大夫及袁僑盟而陳改而向晉矣楚之復陳侯午雖不足為德而楚之先君與陳侯皆更四世積六十八年聞有國陳納頓子之舊怨而新立之陳侯溺未及踰年改元遽思追咎於楚而因以國頓洩其憤焉豈可信哉惟家氏鉉

翁以為陳既遠，表僞如會，故因頓以治楚之屬國也。此為得其大端矣。蓋因頓之役，謀自表，僞以白陳侯，而表僞之為此謀，則實以阿晉侯之意焉耳。當其及諸侯之大夫盟，其盟辭必以招携徠遠為要。雞澤之盟，有莒邾與列其前，如圍宋彭城，次鄆，會戚城虎牢，又各有滕薛杞及小邾，則從於莒邾者矣。周封舜後於陳，為今河南陳州府故頓，在其屬邑之項城西，距府終一百二十里，亦可致之。以附晉也。惟是頓畏楚而不敢貳，陳執與師，因頓以脅之，初不顧櫻楚人之怒，以啓禍患者，凡皆由表僞為主，而陳侯溺其能制之，以義故至此。其貶而稱人特以譏其不能若也。  
云。  
屬。

五年

春公至自晉

管見按公以去年冬如晉為欲及今年之春正月以朝晉侯耳然自古諸侯雖有朝方伯之禮亦不必定以正月今晉侯既非方伯而公之朝晉侯復惟恐不及其正月然故春秋於去年冬書公如晉又於今年春書公至自晉皆譏魯之私奉晉侯為霸主其以朝示動者恭不近禮實足增宗國之恥辱也

## 頁鄭伯使公子發來聘

管見公子發字子國子產之父也趙氏鵬飛曰鄭僂新立雖與雞澤之盟而聘使未交於諸侯故以發來聘然鄭成昭于楚今僂公復從禮義之風行聘問之禮亦足以榮矣按此所謂榮者指其生前尤當證之卒後也蓋鄭本周之同姓以魯為宗國前之鄭成公踰在位十四年皆附楚瀕死莫敢或以襄公三年六月卒及葬魯不會其葬故春秋不書葬鄭成公欲以屏鄭伯踰于楚而使與魯絕也尋莫大焉知辱則知榮矣觀襄公三年為鄭伯兌頑之元年晉



以六月會單子及諸侯同盟于雞澤。鄭伯已背楚從晉。及  
茲襄之五年夏。鄭伯使公子發來聘。是又因從晉而親於  
魯矣。此後二年。值襄之八年冬。十有二月。晉會諸侯于鄆。  
鄭伯見煩如會。未見諸侯。丙戌卒于鄆。其享國不及成公  
之半。傳復言其卒之故。由于鄭卿公子騫使賊夜弑之。以  
瘧疾赴於諸侯。其事固曖昧不明。公亦莫能辨。乃及其葬  
而使人會葬。如常禮。然春秋不加削者。為其同盟以從晉。  
復來聘。以親魯實欲。聯中夏。以達楚蠻。故於八年春。書公  
至自會。即於其夏。聯書葬鄭僖公。所以善其如會之時。獨  
能守正。不顧以終也。可不謂極榮哉。由此言之。鄭伯見煩  
之書葬。所由異於鄭伯論之不書葬者。其注脚一在前。之  
同盟于雞澤。一又在今之使公子發來聘也。傳特以頭剛  
君概之。則其來聘者。乃常  
事耳。常事春秋例不書。

# 叔孫豹曾世子巫如晉

晉見此前二年之六月晉會諸侯以同盟于雞澤陳侯使  
來僑如會戊寅叔孫豹及諸侯之大夫及陳袁僑盟蓋晉  
侯使之也其使盟之意亦欲諸侯之大夫各導其近比之  
小國以屬于晉耳是時陳之南鄙有頓袁僑遂為晉招之  
頓畏楚而不收應陳袁僑報晉以師故可知去年冬陳人  
圍頓職此之由也至於魯之南鄙若邾滕薛小邾皆屬  
晉以從諸侯之後各得與其會盟師役矣惟鄆未嘗與晉  
通於是叔孫豹使說鄆屬晉以託其國鄆子從焉乃即請  
於叔孫豹使率其世子巫以如晉也世子巫之如晉其母  
為屬於晉者於何微之觀於此年秋公會晉侯宋公陳侯  
衛侯鄭伯曹伯莒子邾子滕子薛伯齊世子光吳人鄆人  
于成其所稱鄆人者由上齊世子光推之鄆特牽於吳而  
稱人其實即是此鄆世子巫也夏如晉而秋會成夫乃足  
以成其屬於晉矣至左傳所載於去年冬之公如晉則謂  
公請以鄆屬魯晉侯許之於今年夏之叔孫豹鄆世子巫  
如晉又謂晉之於鄆既許屬魯乃復覲鄆世子於晉侯以

成之。夫鄆非魯之附庸。其肯屬於魯乎。鄆莫肯屬於魯。則公之請。晉侯之許。皆妄也。而叔孫豹猶欲將一鄆世子于晉。以成之。鄆子將安在哉。噫。益妄矣。若夫秋之會戚。傳復以鄆人為鄆大夫。言其所以見於戚之會者。由叔孫豹以鄆屬於魯為不利。故復乞於晉而還之。使鄆大夫聽命於會。此其妄而不信。更有無足辨者。

# 仲孫蔑衛孫林父會吳于善道

管見按前成公十五年冬十有一月。叔孫僑如會晉士燮。齊高無咎。宋華元。衛孫林父。鄭公子魋。會吳于鍾離。鍾離為吳地。彼諸侯之大夫既相率會吳。則吳之欲往會于諸侯者。此其緣矣。及當襄公三年六月。公會單子。晉侯宋公。衛侯。鄭伯。莒子。邾子。齊世子光。己未同盟于雞澤。晉侯使荀會逆吳子於淮上。吳子不至。則又何以然耶。蓋以此時之吳子為吳壽夢。亦名乘始。僭號稱王。與楚同。知是雞澤之會。有單子與焉。實為王朝卿士。一旦相遇。將何以對之。

逆而不至。賊此之由耳。然吳子之意。豈不仍以得通中國。其勢乃益大。而不惟匹于楚哉。觀于今襄之二年。夏。傳云。吳子使詩越如晉。辭不會于雞澤之故。且請聽諸侯之好。晉人將為之合諸侯。使魯衛先會吳。且告會期。故孟獻子孫文子會吳于善道。據此。可知晉之為吳合諸侯者。即是此年秋之會于戚也。吳子既使稱請聽諸侯之好。則凡合諸侯而不以王臣參之。皆可會矣。故吳壽越之請會于晉。吳子非必於善道使之。固即出居于善道。以待晉之命者。善道。杜注。地闕。恭阮勝之南兖州記云。盱眙。本吳善道地。秦置盱眙縣。許慎曰。張目為盱。舉目為眙。城居山上。可以臨遠。故曰盱眙。今屬江南鳳陽府泗州。吳在魯南。吳之善道。尤近魯。因使仲孫蔑會焉。會吳于善道。以告會期。亦以告會所。其會所在戚。則衛地也。因復以衛孫林父從之。會焉。杜氏預曰。魯衛俱受命于晉。故不言及吳。先在善道。二。故曰會吳。

# 秋大雩

〔管見〕春秋書大雩者共二十有一。桓一書。僖殺成皆再書。至襄而五書。此年其首書者。左傳曰。秋大雩。旱也。注云。雩。夏祭。所以祈甘雨。若旱則又修其禮。故雖秋雩。非書過也。然經與過雩同文。是以傳每釋之曰。旱也。雩而獲雨。故書雩而不書旱。然此例亦不可執。大槪譏其因旱而雩。徒以奉行故事焉耳。

# 楚殺其大夫公子壬夫

〔管見〕前襄之二年冬。書楚殺其大夫公子申。此襄之五年秋。又書楚殺其大夫公子壬夫。皆由楚子怨之。懼不免。乃自殺耳。公子申為楚右司馬。其時之令尹則公子嬰齊也。此公子壬夫者。或之。皆重臣。楚子為晉之樂黥圍彭城。楚亡宋邑。荀偃復城鄆之虎牢。而鄆人背楚。楚曰。不競。乃怨其令尹司馬之無能為也。如晉殺之。皆懼右司馬遂自殺。

馬國是而令尹公子嬰齊度晉敢方強未可即圖報恩就  
楚子以伐吳興得僥幸有功以免於罪戾焉爾卒之帥師  
伐吳歸而所獲不如所亡楚人並以其挑釁于吳為嬰齊  
咎嬰齊病之遂遇心疾而卒心疾之云夫非諱其懼而自  
殺與公子嬰齊卒公子壬夫為令尹是年六月晉合諸侯  
以同盟于雞澤陳侯使袁僑如會晉以叔孫豹及諸侯之  
大夫及袁僑盟陳與晉踰年陳侯午卒冬陳人圍頓頓為  
楚之與國陳人圍之將脅以與晉亦袁僑之謀也楚之令  
尹公子壬夫何至遂不敵一陳之袁僑乎楚子怨之以公  
子嬰齊猶敢伐吳公子壬夫並不敢伐陳是尤無能為也  
其如楚之日益不競何至是而公子壬夫之懼而自殺亦  
猶之公子申矣故春秋稱國以殺其書法無以異焉若夫  
公子嬰齊之帥師伐吳將邀功以避罪而罪乃更有加此  
其懼而自殺謬稱心疾亦即指其心之有疾實自帥師伐  
吳以生而遂不可活已也夫豈公子嬰齊之猶有生理  
而適為楚子所逼亦可與公子申及公子壬夫同論哉

公會晉侯宋公陳侯衛侯鄭伯曹伯莒子  
邾子滕子薛伯齊世子光吳人鄆人于戚

晉見按此會于戚者首得公會晉侯宋公即參以陳侯陳  
自宣公十一年與楚子盟于辰陵及莊襄公五年凡三十  
一年先由晉會諸侯以同盟于難澤陳侯使袁僑如會在  
三年之六月今以五年秋而陳侯來會于戚雖其與晉者  
方新而其班位則仍如舊也次衛侯鄭伯曹伯又次莒子  
邾子滕子薛伯乃及齊世子光周禮典命職凡諸侯之適  
子未嘗皆次子男小國之君此其定序矣據是以推則其  
聯稱吳人而終以鄆人者皆世子也吳世家云吳子壽夢  
四子長曰諸樊春秋稱吳子遏者是已壽夢本名乘此年  
夏仲孫蔑衛孫林父會吳于善道即期吳子乘之會諸侯  
于戚也及期而吳子乘又以有故不至特使其世子遏與  
于會焉是不當從齊世子光之後乎又此年夏叔孫約鄆

世子巫如晉為晉之欲從晉以與于會也。凡秋而晉以諸侯為成之會。鄫子來則當從。莒子邾子滕子薛伯之後鄫世子巫來則當與吳世子過並從。齊世子光之後吳惟以國論之。吳屬夷蠻鄫莒附庸皆遠過於齊其世子不足貴其世子之名不足稱也。但指為吳人鄫人而已。或疑此後襄公之十年書會吳于柵是會吳子來也。吳子來但稱吳吳世子過乃稱吳人不嫌于然君而進其世子乎。而抑知不然。凡中國為華夏凡夷蠻為鬼方。人對地方之鬼言則為進之。對中國公侯伯子男之君言則為貶之。且人之為貶辭亦隨分各見。不得泥看。蒙諸侯言則諸侯之有當貶者人之家世子言則世子之有當貶者亦人之。今大合諸侯而世子從焉。其稱人者有貶義無進義。中國夷蠻皆同以吳與鄫證之可也。

## 公至自會



# 冬成陳

晉見襄公三年之夏六月，晉會諸侯以同盟于雞澤。陳侯使袁僑如會。晉以叔孫豹及諸侯之大夫及袁僑盟。四年春，陳侯午卒。子哀公溺立。冬，陳人圍頓。是必由袁僑阿晉之意而圍之也。頓子豈得不怨之乎？楚哉。此在陳侯及袁僑亦知。楚師之必將至矣，故及今五年秋之會于威，即欲因晉之勦，令使諸侯皆以師成陳也。陳侯新附晉，晉侯必必暱之。陳袁僑前及諸侯之大夫盟，則諸侯之大夫亦必私之。夫孰有異議而不成陳者哉？高氏閔曰：此諸侯同成，非獨魯成之也。魯之成陳，書于公至自會之後，則諸侯之各還其國而遣成者，並可知矣。

楚公子貞帥師伐陳公會晉侯宋公衛侯鄭伯曹伯齊世子光救陳

管見此年秋楚殺其大夫公子壬夫即公子貞為令尹拜命之日必以討陳之叛為急務故及帥師以伐陳也聲罪致討曰伐滑師掠境曰侵於陳言伐不言侵公子貞欲以致諸侯之戍陳者復救陳耳因是而公會晉侯宋公衛侯鄭伯曹伯齊世子光救陳即經其冬之戍陳而旋至豈寄失之遲延也哉而楚公子貞之帥師伐陳疾伐之而不留不處頓去陳初不如此後之圍陳者作持久之計是固欲使諸侯救陳之師既及陳而不得與楚師遇則徒奔陳之急而無救于陳亦無傷于伐陳之楚有廢然以返而已觀下書十有二月公至自救陳雖當告至于廟詎有所為歟至策勲者乎公之至自救陳然彼晉侯宋公衛侯鄭伯曹伯齊世子光之至自救陳亦各然矣

## 十有二月公至自救陳

## 卒未季孫行父卒

管見季孫行父，歷事四君，初黨于公子遂，殺子赤，立宣公。及宣公薨，遂前卒。行父將逐其子公孫歸父，乃言于朝曰：「使我殺適立庶，以失大援者，仲也。夫此作何等事，而可為人所使哉？向非行父自供，固未有能訊而得其情者。至其逐歸父以後，由成及襄，行父復獨專魯政一十三年，猶獲保首領以歿，春秋于公至自救陳之月，特書卒，未季孫行父卒，蓋因其為亂臣而幸免于誅，用傷周之廢天討，與夫魯之蔑國法云爾。」

六年

春王三月壬午，杞伯姑容卒。

管見杞伯之國，在今河南之杞縣，周所封也。前未有書其卒與葬者。及茲襄公六年，特書春王三月壬午，杞伯姑容卒。又書秋葬杞桓公。蓋因其時晉悼公始霸，而杞伯之女賁為悼公夫人，故諸侯之尊霸主者，皆于杞伯姑容之卒。

莖各使人致禮而莫敢一闕焉。此不獨魯為然。特來魯以概之耳。觀後悼公卒。子平公彪立。平公長也。及襄公二十九年。當平公之十四年。猶以杞為母家。而大合諸侯。以城杞。諸侯亦即使其大夫屬役程功。是足證已。

## 夏宋華弱來奔

管見華弱為宋司馬。有宋大夫樂嬰。字子蕩。左傳言其少相狎。長相優。又相謗也。子蕩怒。以弓枯華弱于朝。宋公見之。曰。司武而枯于朝。難以勝矣。遂逐之。宋華弱來奔。司城子罕曰。同罪異罰。非刑也。專戮于朝。罪莫大焉。亦逐子蕩。子蕩射子罕之門。曰。幾日而不我從。子罕善之如初。據此。則子蕩之怒。激于謗。其以弓枯華弱而逐其怒。則仍因前之。司馬何優。以報其相謗也。至宋公見之。以為華弱不勝司馬之任。奪其職。則已。胡以必有事于逐哉。春秋于此年夏。書宋華弱來奔。意在注定來奔二字。借以譏宋公之於世卿。其使之廢退者。幾同于流放。而不加察耳。若華弱之

讀春秋管見 卷九

二十五

委懦受傷。大傷國體。其事不必悉指。但明其族曰華。其氏始于大司馬華督。見桓公時。有孫曰華耦。稱司馬華孫。見文公時。此華弱為耦之子。則並得蒙華督而稱司馬華孫矣。且其名曰弱。弱與強反對。說文。強為弓有力。則弱為弓無力可知。以此認定華弱之名。為弱。則子蕩之弓。格于華弱之頸。而其矢復射于子罕之門。不可想見其概也。哉。又按子罕之論子蕩。明斥其專戕於朝之罪。則從而逐之。正宜非如華弱之遭逐為已甚也。聽其竄身異域。長往不還可矣。初不必究言其地。且其逐自子罕。而不由宋公。亦不得責宋樂嚳出奔。以明國之過于鯁。委懦者。亦猶不稍貸於遠橫暴也。

秋葬杞桓公

滕子來朝

管見前文公十二年秋特書滕子來朝。是年冬季孫行父帥師城諸及鄆。起其端耳。左氏有私色曰費與滕後壤費之東為鄆。又東則為諸。於此管人益有爭鄆之謀。而滕子知之。乃以秋來朝。密告于季。及季孫行父。故其冬遂有帥師城諸及鄆之役也。自文公歷宣而成。其九年冬楚公子嬰齊伐莒。入鄆。是則鄆既為莒有矣。至茲襄之六年秋再書滕子來朝。殆又因莒有魯東鄆之謀。而密以告魯及季。孫宿與觀七年夏四月季孫宿城費。八年夏莒人伐我東鄆。十年秋莒人再伐我東鄆。十二年三月莒人復三伐我東鄆。圍台。季孫宿帥師救台。遂入鄆。然則此六年以後魯之數被莒患。皆自今滕子之來朝。乃得知而備之矣。但滕與費逼近。費固則滕必無虞。從可知滕子之欲泄莒謀而來朝者。外為魯之意。內為滕之意。深上為魯君之意。涉下為季孫宿之意。深也。春秋書此。言外亦不能無譏焉。

# 莒人滅鄆

〔管見〕據梁傳所言莒人滅鄆之故。而求其可信者。蓋鄆子之前夫人。非莒女也。已生世子。而卒。復娶莒女為夫人。亦有子。乃逸。後夫人欲廢前世子。而立其所出。為世子。去年冬魯叔孫豹以鄆世子。如晉。秋。晉會諸侯于戚。齊世子光與焉。而其下與。稱吳人。鄆人。其吳人為吳世子。過其鄆人。即為鄆世子。也。亦欲借此。如晉會戚。以托于霸主。庶幾其不終廢焉耳。及今年秋。鄆子卒。莒子遂偪逐其世子。而立己女所出之子為君。其子尚稚齒。雖立。同未。在位。莒子乃以莒大夫之。與幹者。攝主其政。凡鄆子之世族。及其舊臣。率俯首以聽。莫敢有異議焉。則鄆屬于莒。為一更不可別之。以為鄆矣。是不幾于滅乎。計春秋起訖。絕無有書鄆子之卒者。鄆子不卒。則其卒後之事。無所繫。而亦不可悉。故特以滅字作形容語。世曰莒人滅鄆。使讀者想見其概。以為有如滅焉而已。其

豈米  
滅哉。

# 冬叔孫豹如邾

晉見叔孫豹如邾。為聘邾也。凡小國朝于大國。大國受其朝。必以聘報之。前成公十八年八月。邾子來朝。是月公嘗立襄公。襄公元年九月。邾子復來朝。其朝後。歷今六年。魯未嘗報之以聘也。邾必不能平而魯亦自知其闕于禮矣。乃忽于此六年冬。使叔孫豹聘于邾者。由其秋滕子來朝。密告莒人有伐我東鄙之謀。因以莒在魯之東。邾邾在魯之南。鄙處莒之為不靖。而邾亦生心。則東邾南邾同持有事。魯欲兩應之。其力必不給。於是將謀治兵禦患。以備莒先為行幣修睦。以安邾也。觀此後之八年十年十二年。莒人伐我東鄙者三。而南邾未有警。則叔孫豹之如邾。其因聘導和而使兵或不興者。亦有駭矣。至于莒師息而齊師又起。則去叔孫豹如邾之時。既及十年。而魯之於邾。或



更有隙。故當十五年夏，齊侯伐我北鄙，圍成。公救成，至遇季孫宿。叔孫豹帥師，城成郛。至秋八月，而邾人乃伐我南鄙。十六年秋，齊侯伐我北鄙，圍郕。又十七年秋，齊侯伐我北鄙，圍桃。且使齊高厚帥師伐我北鄙，國防。及是年冬，而邾人乃再伐我南鄙。由後推前，邾能間魯之有齊難，而代魯南鄙，獨不能間魯之有莒難，而伐魯南鄙哉？總之，繼好結鄰，則疆事少。春秋書此叔孫豹之如邾聘，亦謂武子季孫宿之始專國政，籌軍事，是猶其一節之差有合焉者。

## 季孫宿如晉

**晉見**季孫宿如晉聘晉。其本事也。襄公三年，由公及諸侯相與奉悼公為霸主，乃同盟于雞澤。四年冬，公如晉。五年春，公至自晉，此始朝霸主也。至此後之八年春，公復如晉。夏，公至自晉，是則霸令之五年一朝矣。然于五年中，又當三年一聘。故及茲六年冬，而季孫宿乃特依聘之期，以如晉。焉聘大于問，宜使卿大聘於晉，則尤當以上卿行也。聘

為本。事亦有。然。晉。公。秋。莒。人。滅。鄆。因。鄆。子。之。後。大。莒。女。有。子。莒。子。辛。莒。人。立。其。女。所。出。之。子。遂。伯。逸。其。世。子。巫。以。其。國。歸。于。莒。而。鄆。有。如。滅。然。鄆。世。子。寄。因。魯。之。叔。孫。豹。如。晉。以。見。晉。侯。且。又。及。晉。侯。之。以。諸。侯。會。于。戚。至。是。窮。無。所。歸。得。不。奔。愬。于。晉。侯。與。然。傳。稱。晉。以。鄆。故。來。討。曰。何。故。亡。鄆。季。武。子。如。晉。見。且。聽。命。注。以。聽。命。為。受。罪。是。則。魯。固。無。如。何。也。從。可。知。其。使。季。孫。宿。者。本。以。如。晉。聘。亦。以。致。聘。見。耳。聘。畢。乃。復。以。鄆。故。復。之。于。晉。侯。已。矣。非。然。事。而。何。且。聘。之。兼。事。有。公。亦。有。私。杜。氏。預。曰。宿。始。代。父。為。卿。見。大。國。此。亦。其。意。願。所。必。及。者。聘。禮。有。私。覲。則。得。承。霸。主。之。言。色。以。為。先。寵。聘。禮。亦。請。覲。其。卿。大。夫。則。並。得。親。霸。國。之。權。資。以。為。外。交。締。合。之。緣。也。彼。季。孫。宿。者。豈。復。肯。以。如。晉。之。行。議。諸。他。人。也。哉。

# 十有二月齊侯滅萊

管見高氏曰齊國萊久矣。自宣公七年伐萊。自是而遂滅之。按齊惠公元。以宣之七年及九年。凡兩伐萊。至十年夏四月。齊惠公卒。殆以傷于伐萊而治之不痊。與昔宋襄公之戰于泓而傷股。其明年遂卒者。事正同。經皆不悉書耳。自後傳齊頃公無野。及今靈公環積數之。既歷三十年。中間豈得忘惠公。元之傷于萊而卒哉。從可知其伐萊首亦不可悉書。至是魯襄公之六年十有二月。齊乃得而滅之。故春秋特總書曰齊侯滅萊。其滅萊之日。必以告于惠公。元之廟。謂足以成圖萊。未竟之志。且以慰其伐萊而身傷之積怨也。然前之伐萊。志于滅今之滅萊。力于伐萊。何罪。齊何心乎。此固不待貶絕稱人而其惡自見者。惟通計伐萊滅萊之始終。在齊惠公元。及齊靈公環皆屬自將。故春秋並書齊侯以指目之。著其非之無可諉謝則已。

七年

# 春郊子來朝

〔管見〕按前宣公四年公及齊侯下莒及邾莒人來朝莒莒取向夫莒邾不平而公欲平之者以魯之伯姬歸莒與邾為婚姻之國耳至十六年而邾伯姬來歸則其怒莒又成公八年叔孫侮如會晉士貳齊人邾人伐邾莒不無怨矣久之而值此襄公七年春邾子來朝則何以致之耶其故蓋由去年夏莒人滅鄆使其立君守國鄆皆不得與其強橫亦何為而不可者邾與鄆接壤若使莒以前不肯平之意逞其凌逼邾胡以堪此因是謀有以託于魯乃邾來朝而乞修舊好也與然襄公以四歲即位及茲七年仍幼穉不足憑藉是則邾子雖名為朝公以尊禮宗國實則欲通其殷勤款洽于專政之季孫宿也春秋書此於邾子不能無譏於魯之政在大夫則尤重有慨矣

夏四月三卜郊不從乃免牲

讀春秋管見 卷九

夏公七年

二十六

管見易稱初筮告再三瀆瀆則不告卜重于筮則魯郊之用卜一卜不從則當免牲不郊矣豈得至再至三乎說者於魯之卜郊以其他四卜五卜為夫禮而此之止于三卜猶為得禮殆不足據也但魯之卜郊于孟春及仲春季春時不從則猶是三月耳魯于是歲未得郊不即免牲於三月而待夏四月乃免牲者其時豈猶于三月議四卜郊其郊日在夏四月因復留牲不免以待用與已而不果四卜故春秋於此六年夏四月言其前已三卜郊不從而仍未免牲及是而乃免牲也玩乃字神理蓋甚恐其三卜之已失禮未得遽免牲而不郊亦聊幸其不遂至于四卜五卜之尤失禮適得終免牲而不郊也云爾

小邾子來朝

管見小邾子之國其初分自邾邾下彼其以此夏來朝者豈若

邾以不別之而與邾不類于來朝實以微

懼莒之侵而思托其國于魯哉。蓋邇時小邾子之為國似  
皆倣於邾子耳。計邾子之從會盟侵伐者則惟晉其來朝  
者則惟魯而已。小邾子前未見其附晉始自襄之二年。晉  
城濮之虎牢。邾人小邾人皆與焉。至此後襄之九年。晉伐  
鄭。同盟于戲。十年會吳于柵。亦伐鄭。成虎牢。十一年再伐  
鄭。同盟于亳城北。又三伐鄭。會于蕭魚。邾子及小邾子亦  
皆與焉。其國爵以班相屬諸侯莫能外之。是不覺其屈而  
事晉乃實有以自伸乎。至若去年冬叔孫豹如邾則以邾  
子之於成十八年來朝。又於襄之元年復來朝。故魯使其  
卿報之以聘也。李氏廉曰。春秋書魯聘邾止此一條。然則  
聘為邦交之常禮而魯之聘於邾直若異數之不可猝邀  
者然。故傳公七年當齊桓公之霸時一書小邾子來朝其  
後不聞今距前既八十五年乃再見此。小邾子者當即因  
宗國之以聘報邾邇以卿遂不禁其慕效邾子而來朝也  
與。

# 城費

管見費為季氏之私邑。在魯東鄙。是時嘗有伐我東鄙之謀。季孫宿聞之。乃欲借備苦之名。以城費也。而魯之迎其意。以興者。如左傳云。南遺為費宰。叔仲昭伯為隧正。欲善季氏。以求媚於南遺。謂遺請城費。吾多與而役。故季氏城費。蓋有之矣。季氏諫曰。費魯疆邑。僖元年。賜季友汶陽之田。及費。於是為季氏邑矣。自南遺既城之後。費邑疆南。蒯繼為費宰。非特季氏世卿而陪臣亦世其邑。昭十二年。南蒯欲出季氏不克。以費叛。如齊。十三年。叔弓圍費。弗克。敗焉。十四年。費人叛南氏。蒯奔齊。齊來歸費。及季桓子立。公山不狃為費宰。定八年。不狃以費叛。十二年。始用子路墮三都。不狃如係。報帥費人襲魯。孔子用申句須樂頎伐之。二子奔齊。遂墮費。此一費之始終也。而季氏之盛衰可考矣。

# 秋季孫宿如衛

管見季孫宿如衛以聘請盟也。觀下書冬十月衛侯使孫林父來聘。壬戌及孫林父盟。則季孫宿之如衛聘而衛侯已及季孫宿盟亦可知矣。魯何以必盟衛始恐齊之伐魯而先結衛以孤齊耳。是時齊忘晉侯之霸自襄公之三年六月同盟于雞澤始亦怨魯之輔晉以成霸。自襄公之三年春如晉遂以夏四月及晉侯盟于長檣始也。然齊之怨魯而不遽伐魯者。徒為其猶得倚于晉侯。周故然。自此七年後。至於十五年冬。晉侯卒。十六年。齊侯伐我北鄙。國防。十七年。齊侯伐我北鄙。國防。十八年。齊師伐我北鄙。此其怨魯亦深矣。而是年之冬十月公得會晉侯。宋公及衛侯。與夫鄭伯。曹伯。莒子。邾子。滕子。薛伯。杞伯。小邾子。同。齊十九年夏。又得衛孫林父帥師伐齊。然則令七年秋之季孫宿如衛。以聘請盟。即以致七年之冬十月。衛侯使孫林父來聘。壬戌及孫林父盟。亦何嘗



不有裸於魯哉

八月螽

冬十月衛侯使孫林父來聘壬戌及孫林父盟

管見盟有不必兩君相見而獨使其卿迭為往來者以聘先之以盟終之而已春秋文簡其事同即以相承見意故先書奇孫宿如衛則从省後書孫林父如魯乃特詳焉

楚公子貞帥師圍陳

十有二月公會晉侯宋公陳侯衛侯曹伯

莒子邾子于鄆

鄭伯髡頑如會未見諸侯丙戌卒于鄆

陳侯逃歸

管見前之五年冬楚公子貞帥師伐陳益疾伐之而旒上陳故公會晉侯宋公衛侯鄭伯曹伯齊世子光救陳以不獲遇楚師而俱還耳及此七年冬十月楚公子貞復帥師圍陳圍則欲偪陳侯之乞平以服于楚也于是陳侯乃乘間逃出請救于晉晉為合諸侯以救之此十有二月所由公會晉侯宋公陳侯衛侯曹伯莒子邾子于鄆與鄆杜注鄆地則鄭伯髡頑之如會即在其封內矣何至諸侯皆會于鄆而鄭伯則猶然未見耶以鄆卿有公子驪與公子發公孫輒為黨其專橫無君欲脅諸侯從楚而阻其會于鄆以救陳也鄭伯不可必如會於是公子驪使賊夜弑鄭伯

讀春秋管見

卷九

襄公七年

三十一

而以惡疾赴于諸侯。春秋亦曰：鄭伯髡頑如會。未見諸侯而戍卒于郕。一似未嘗就弑者。然不將疑于縱亂臣乎。然後之十年冬，書盜殺公子隤。公子發、公孫輒則鄭伯髡頑之被弑而卒于郕。在公子隤實為首惡，亦昭然大白矣。故此之書卒如其赴，特欲得以想見其使賊夜弑之謀焉爾。至鄭伯卒于郕，而陳侯亦即逃歸自郕者，則又由陳卿之以狙詐偪君而出于此也。左傳云：陳人患楚，慶虎、慶寅謂楚人曰：吾使公子黃往而執之。楚人從之。二慶使告陳侯於會，曰：楚人執公子黃矣。君若不來，羣臣不忍社稷宗廟，懼有二圖。陳侯逃歸。其哉。楚公子貞帥師圍陳，其圖必嚴。而諸侯之會于郕以救陳，陳侯在焉，何以能逃。出耶。及鄭伯如會，未見諸侯。諸侯猶在郕，而楚之圍陳未解也。乃當鄭伯卒于郕，而陳侯遂自會逃歸，又何以敢歸而還安於逃耶。經文書法皆欲藏其頭緒，總欲見陳之二慶私心為楚以狙詐偪其君使陳侯不得不逃，出即亦不得不逃歸者，其罪案具定於此。正與鄭之公子隤及公子發公

孫叔、宣所謂人、人得而誅之、之、臣也。自此七年至二十三年夏書殺其大夫慶虎及慶寅。知其當殺則已久矣。其待史言其故哉。

八年

# 春王正月公如晉

晉見舊傳晉之霸令諸侯及五年而朝。前四年冬公如晉。五年春公至自晉。此始以晉侯周為霸主而朝之也。及茲八年春王正月公如晉。夏公至自晉。數其歷年之數。惟以前四年冬之如晉而合數之。乃得幾於五年。而公遽以是再朝晉。殆欲借以示勤焉爾。至此後之十二年冬公如晉。十三年春公至自晉。其趨霸令者不敢不勤而亦不過勤。乃只於其五年而朝之。期為有合則已也。

# 夏葬鄭僖公

管見鄭僖公斃頑。實為公子騂所弑。而春秋前以卒書。至此又書其葬。直與恒喪同矣。意欲著公子騂之於鄭伯。其使賊夜弑而以瘧疾赴者。竟得執逆會。鄰之諸侯也。其秘謀粹不可覺。卒至有盜殺之。而其罪乃以昭灼焉爾。

# 鄭人侵蔡獲蔡公子燮

管見王氏沿曰。鄭欲從楚。故侵蔡。以致楚師伐鄭。然後告絕於晉。而與楚平。春秋惡之。故稱人。以示貶。此說最得。鄭人侵蔡之隱情。惟於獲蔡公子燮。尚有待發明者。按此後襄公之二十年。蔡殺其大夫公子燮。左傳云。初蔡文侯申欲事晉。曰。先君與於踐土之盟。晉不可棄。且兄弟也。畏楚不能行。而卒。楚人使蔡無常。公子燮求從先君事晉之言。以利蔡。與蔡人不相能。而蔡殺之。據此。則蔡自宣公十一年。文公申卒。蔡景公固立。及茲襄公八年。當蔡景公之二

十四年矣。初，景公三年冬，公及楚人、秦人、宋人、陳人、衛人、鄭人、齊人、曹人、邾人、薛人、鄆人盟于蜀。而景公不得與盟。與許穆公同。是時，固已比於矢之縣公，而不成為君也。公子變，益文公申之。庶子不忘先君，晉不可棄之言，能不憤然欲背楚乎？是後，晉侯繼以前成之十六年，收楚子于郕陵，其視晉文、城濮之戰，既未之有。異越今晉侯周，再以茲襄之三年，合諸侯同盟于雞澤，其視晉文踐土之盟，亦復無以異焉。然則蔡公子變之欲從先君事晉之意，益勃不可遏矣。惟蔡景公苟且國存，苟與國之人委心聽命於楚，公子變無如何也。值此襄八年夏，鄭人侵蔡，不期於戰，蔡亦不聞以師禦之。公子變知鄭之師為晉興也，因欲使其身為鄭所獲，以獻於晉，得見晉侯，即借以達先君事晉未能之夙志，而自伸其欲從晉以利國之私願焉。乃潛出現鄭師，作馬逸，不能止之，狀趨而入。若無人者，然故鄭人但謂侵蔡初，不料其能獲公子。變乃適然而獲也。觀下書季孫宿會晉侯、鄭伯、齊人、宋人、衛人、邾人於邢邱，傳稱鄭伯

獻捷於會。故親聽命。其所獻即公子變耳。於是而公子變得見晉侯。則其所欲白於晉侯者。亦盡達矣。獨是公子變既為鄭俘而獻於晉。胡以及襄之二十年秋。乃書蔡殺其大夫公子變哉。竊度其羈居于晉。既八年。會晉悼公周卒。立平公彪。其元年三月。公會晉侯宋公衛侯鄭伯曹伯莒子邾子薛伯杞伯小邾子於溴梁。戊寅。大夫盟。公子變始請于晉侯。欲因大夫之盟而從其後。即謀歸於蔡。而以蔡從晉也。歸既五年。而蔡侯與其國人雖苦於楚之使蔡無常。終忍而向楚。以背晉。以故與公子變相乖忤。遂成讐敵。計在必除。乃有從而殺之者矣。嗟乎。公子變不忘先君之言。而謀國合義。此既舍身不顧。而為鄭所獲。終復守正不渝。而為蔡所殺。春秋一書再書。益重致其哀悼。而不能已於表彰也。與。

季孫宿會晉侯鄭伯齊人宋人衛人邾人

# 于邢丘

〔晉見〕范志。東郡聊城。有夷儀聚。增云。夷儀城在襄國西百里。飭邢侯自襄國徙此。曰邢邱。左傳云。五月甲辰。會於邢邱。一。朝聘之數。使諸侯之大夫聽命。季孫宿。齊高厚。宋向戌。齊殖。邾大夫。會之。邾伯黶。提於會。故說。聽命焉。按傳所稱朝聘之數。蓋為大小邦定其行享之物。與夫物之因。其國所有者。使多寡適稱焉。爾若謂令之五歲而朝三歲而聘。固早知之。豈復有待於命哉。齊人。宋人。衛人。邾人。其大夫皆微。皆不得如季孫宿之可以名見也。至左傳指目齊高厚。宋向戌。衛齊殖。是皆與季孫宿為伍者。當不得盡沒其名而人之矣。晉東之國。此會於齊人。宋人。衛人之下。不列曹人。蓋曹大夫益微而不足數也。猶之諸小國之大夫來會。但提一邾人而已。其莒人。滕人。薛人。杞人。小邾人。鄆人。則皆畧之。是因春秋聯書大夫之例之。初見者。齊之國大於宋。宋之爵尊於齊。叙列其君。則應先宋而次。



齊叙列其大夫則又應先齊而次宋矣。卓氏爾康曰：邢邱之會以命朝聘。胡傳以重煩諸侯而使大夫聽命。是謂姑息愛人。非也。此正悼公之以謹嚴馭衆也。諸侯與國與我敵體。惟大夫可以命令之。君指搆臣攝伏聽則與違則執我法可行彼勢可受不失尊重之常。又於政體甚便。雖以魯襄在晉特不令其與會也。不令魯襄與會者優之也。

## 公至自晉

〔管見〕正月之公如晉朝晉也。季孫宿從公。及夏而公與晉侯俱至邢邱。晉侯將命朝聘之數。但此諸侯之大夫聽命時。惟鄭伯以獻捷於會與焉。公不與。然上書季孫宿會晉侯鄭伯齊人宋人衛人邾人于邢邱。下書公至自晉。不書會也。

## 莒人伐我東鄙

管見按莒人以此八年夏伐我東鄙十年秋莒人復伐我東鄙十二年春莒人又復伐我東鄙國台季孫宿帥師救台遂入郕十四年夏莒人仍復侵我東鄙則何以不能忘情于魯乃至此由前之五年夏叔孫豹以郕世子巫如晉亦使得從晉及諸侯以會吳于戚蓋特為郕之繼嗣籌先定也及六年郕子卒莒人偏逐其世子巫而以莒女所出之幼子立之遂以郕屬于莒而莒滅是年冬季孫宿如晉聘且言郕故在晉侯必將命魯之近郕者徐圖所以復郕矣郕在魯之東鄙於是莒人以此後之八年中每間歲一舉兵乃一再伐之不已而至于三伐三伐亦未已而更加之以一侵總欲使魯之東鄙常驚動不寧庶無暇謀及于郕焉耳莒人僻陋在夷恃險而凌暴其伐與侵不必其名之正也左傳據前經書莒人滅郕因謂此年之伐我東鄙特為疆鄙田政然高氏閻申之曰郕田接於魯而疆界不明乃興兵伐魯以正之斯亦莒人之所得藉口生釁者與

# 秋九月大雩

管見左傳云。秋九月大雩。旱也。然亦可作蟲災言之。前桓公五年。書秋大雩。其下即聯書曰。螽。欲見此大雩之為禱蟲災耳。蓋大雩享帝。必配以田祖。本主于禱雨。故小雅甫田曰。琴瑟擊鼓。以御田祖。以祈甘雨。而亦可借以禱蟲災。故大田又曰。去其螟螣。及其蠹賊。無害我田穉。田祖有神。秉畀炎火。但此年惟書秋九月大雩。何以知其非禱旱災。而獨禱蟲災耶。以去年秋書八月螽。未嘗聞其有禱之者。於時螽皆遺印于土中。至今歲而蟪生。不可制。螽復大作。其害稼如故。穀不登。乃弗獲已。而以秋九月大雩。要亦主于奉行故事而止。非有濟也。以是言之。魯于去年秋書八月螽。亦何能得今年秋八月之不振乎。今年書秋九月大雩。又何以異去年秋九月之不大雩乎。螽與大雩。春秋於兩年分舉。而有可通觀互見。不得泥此而遺彼者。蓋如是夫。

# 冬楚公子貞帥師伐鄭

晉見左傳云。楚子囊伐鄭。討其侵蔡也。子駟于國。子耳欲從楚。子孔子。子駟子展欲待晉。子駟曰。民急矣。姑從楚以紓吾民。晉師至。吾人從之。犧牲玉帛。待于二坑。以待彊者而庇民焉。子展以杖莫如信止之。子駟不可。乃反楚平。使王子伯駢告于晉曰。君命敝邑修車賦。傲師徒。以討亂邑。蔡人不從。敝邑討之。獲弓馬。燹獻于邢邱。今楚來討。將剪焉。傾覆民知窮困。而受盟于楚。孤也。與其二三臣。不能禁止。不敢不告。知武子使行人子員對之曰。君有楚命。亦不使一介行李告于寡君。而即安于楚。君之所欲也。誰敢違君。寡君將帥諸侯。以見于城下。惟君圖之。高氏綏曰。觀左氏所載。則子駟之弑。倍公志在事楚矣。家氏鉉翁曰。鄭侵蔡。以自結于晉。然從楚者。本謀也。楚至而服。惟恐其後矣。李氏廉曰。此又鄭人從楚之始。至十一年。會于蕭魚。乃復從晉。按傳說已盡經旨。

# 晉侯使士匄來聘

晉見左傳云晉范宣子來聘且拜公之得將用師于鄭也李氏廉曰此與士匄來聘言伐鄭同汪火克寬曰成公末年。至襄十二年。士匄荀偃士魴凡四聘于魯則晉之以結與國者不亦厚乎宜悼公之得諸侯也。按此條正意餘意止乎此。

## 九年

### 春宋災

管見災字从火故春秋獨於火稱災前莊公二十年夏書齊大災孫氏覺曰大者非常之辭亦謂非其災之常耳災亦時有則為常如此年春之書災而不書大者是已然災見於宋而遂至聞于魯使其史冊必記之雖未嘗特駭其

為大要亦不能直指以為小也。在宋之君若臣值救天災流行其即遇災而懼否乎。

## 夏季孫宿如晉

管見左傳稱季武子如晉報宣子之聘也。據去年冬晉侯使士句來聘傳稱拜公之辱且告將用師于鄭焉則此年之夏季孫宿如晉既報聘亦聘師期可知矣。

## 五月辛酉夫人姜氏薨

管見此夫人姜氏為穆姜乃宣公夫人成公母襄公之祖母也。以此年五月辛酉薨傳特稱薨于東宮蓋為穆姜先通於叔孫僑如有廢立之謀故因而幽廢以徙居東宮耳。度此事未必果實而傳復記其入東宮時穆姜嘗筮之得艮之隨史決其必速出穆姜乃據隨之彖詞以自核其罪則稱必死於此弗得出矣及是薨于東宮故併奇其筮之

有驗。一如夫人之言。所叙述固甚詳也。但穆姜以一婦人而得侈口言易。已屬達於常情。且其中論隨之元亨利貞。无咎。其辭皆出文言。傳是時孔子尚未生。穆姜何從得其易傳。而熟于記誦。且深為剖析。若此哉。

# 秋八月癸未葬我小君穆姜

管見夫人姜氏。夏五月辛酉書薨。秋八月癸未書葬。凡經四月。亦未免以達。蓋以此年冬。公有會晉侯。伐鄭之役。故耳。至姜氏為宣公夫人。自薨而葬。不從宣公之謚。而別謚穆者。高氏謂曰。用文姜之例也。

冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十有二月己亥同盟于戲

管見此襄公九年亦晉之悼公九年也。襄公立未改元。晉侯以其冬使士魴來乞師。元年冬晉侯復使荀偃來聘。八年冬晉侯又復使士匄來聘。春秋皆以有為而書耳。也若無事而舉邦交之常禮。雖不見經而亦安有闕焉者。夫晉之於魯然則凡屬在與晉之諸侯自公以外如宋公衛侯曹伯及莒子邾子滕子薛伯杞伯小邾子並當為晉侯之使聘所必及。又況齊之大國與晉為匹者哉。計兩目之齊侯雖不免心忌晉之固霸而亦未能顯與悼公相遠也。前悼公立于成公末年首事同盟于虛打。齊崔杼與之。襄元年晉韓厥伐鄭。崔杼以師次于鄭。二年晉荀偃城之。虎牢崔杼又以師會于戚。夫非受命于齊侯耶。至三年而晉假王臣單子大合諸侯以同盟于雞澤。是即羣奉悼公為霸主矣。此會齊侯不至而亦必令其世子光至。齊亦何嘗能外晉乎。自是而晉侯以五年秋會吳。冬救陳。及是九年冬又始伐鄭。其後十年夏十一年之夏秋更三駕伐鄭。齊世子光無役不從。則齊固實為晉用矣。夫晉侯厚結與



國諸侯和當其伐鄭能數會十二國之師以臨之鄭得無  
懼而請成耶故此九年冬春秋始書公會晉侯宋公衛侯  
曹伯莒子邾子滕子薛伯杞伯小邾子齊世子光伐鄭未  
見所以伐之即聯書十有二月己亥同盟于戲也戲杜注  
鄭地成十七年諸侯伐鄭自戲重至于曲洧  
即此又曰伐鄭而書同盟則鄭受盟可知矣

# 楚子伐鄭

僖見趙氏鵬飛曰楚子伐鄭鄭復為楚汪氏克寬曰楚書  
子者國君自恃恃強軋弱憑陵列國之稱也不書鄭及楚  
平不書盟不與鄭之從楚也明年諸侯伐  
鄭則鄭與楚可知矣按二說已盡經旨

## 十年

春公會晉侯宋公衛侯曹伯莒子邾子滕

子伯杞伯小邾子齊世子光會吳于祖

管見左傳會于祖會吳子壽夢也經書乘祖杜注楚地今山東兗州府嶧縣洳口是也又云吳子在祖晉以諸侯往會之故曰會吳趙氏鵬飛曰晉率十二諸侯會吳於楚地謀楚也謀楚則未嘗伐楚何以知其謀蓋謀制楚以服鄭而已不志於伐也晉楚爭鄭久矣前日伐鄭鄭既同盟而復叛以楚兵逼之也楚兵不出則鄭可久安故晉侯會吳於祖以示晉已得吳吳將援晉而將楚楚謀出兵則懼吳襲其後而內有所忌然後晉得以服鄭鄭得以從晉而無楚患也卓氏爾康曰合十二國以會吳子而於楚界示楚以得吳也晉得吳則楚右臂斷不敢謀鄭謀鄭則恐吳之據其後也其後蕭魚之會卒得鄭不叛者二十年吳將楚楚不敢伐鄭也雖然晉悼虎牢之城扼鄭咽喉自戡盟之後三分四軍以待來者是故楚疲晉逸三駕而不可擊鄭子展曰晉君方明必不棄鄭楚之柄臣如子囊者亦曰晉

不可敵。事之而後可。豈獨以相會吳之故哉。張氏溥曰。荆楚地大人悍。專與霸爭。當日諸侯能敵之者。齊晉秦三大國。齊自桓公薨後。國亂君弱。不敢專兵伐楚。秦以殺戰警晉。連歲構師。反與楚合。晉獨力制楚。秦又乘之。雖城濮餘威。鄢陵新敗。楚無懼志。處宋役。鄭惟所欲。為晉雖欲起而服之。未有隙也。吳居肘腋之下。武氣方厲。臣啟謀楚。疲奔命。鳩茲庸浦之間。干戈日見。晉一通吳。吳茲致銳於楚。師不出。則擾其旁。出則議其後。楚畏吳逼。無暇與晉校。晉始得息隣睦交。屢舉盟會。收宋陳。伐秦鄭。坐享霸功。是故晉三會吳。專以楚故。權事濟變。非得已也。晉文之時。能克楚者。齊秦而樂為首。用文公因之。集二國之師於城濮。一戰而勝。晉悼之時。能克楚者。兵而未必。即為晉用。悼公惟招之同會。不用吳師。而楚人自屈。此悼公之知權也。按數說。揣合當時情勢立論。極為透闢。須備錄之。

# 夏五月甲午遂滅偃陽

高氏曰：偃陽，楚與國也。此為定論。觀今年春之會吳於  
祖，杜注：祖，楚地。今兗州府嶧縣泃口是已。此偃陽者，杜注  
彭城傳：陽縣也。章懷太子曰：偃陽故城在永縣南。今在兗  
州府嶧縣南五十里。祖與偃陽同在。今嶧縣祖為楚地，則  
近祖之偃陽其國未聞所屬，能不為楚之與國哉？又路史  
國名紀稱：偃陽，邾姓子爵，晉滅之，更無特有名。邾國者，則  
偃陽之邾為邾子國，亦可知矣。前宣公四年傳云：初，若敖  
娶於邾，生鬬伯比。若敖卒，從其母畜於邾，淫於邾子之女。  
生子文焉。夫人使棄諸夢中，虎乳之。邾子曰：田見之，懼而歸。  
夫人以告，遂使收之。楚人謂乳穀謂虎於菟，故命之曰鬬  
穀於菟。以其女娶伯比，夫偃陽之邾子得通昏姻於楚，而  
其舊為楚之與國，不益信而有微乎？至於晉之以此夏而  
滅偃陽，自其會吳於祖而滅之，非偃陽所及。料故稱遂，然  
其所由得以遂滅偃陽者，固仍是前所會以伐鄭之師，則  
雖為兩事而實成一舉，並非諸侯所及。料亦遂之意焉。爾  
蓋自去年冬晉合諸侯以伐鄭，公會之及十有二月己亥。

而同盟於戲。鄭方受盟以從晉也。是月未嘗書公至自會。則凡在會師伐鄭者雖已盟鄭而猶未還矣。惟晉侯稔知楚之必惡鄭而來伐也。乃率諸侯之師皆去鄭以會吳。不使其與楚師遇焉。故春秋於去年冬十有二月書楚子伐鄭著其與師之期為較速亦即於今年春書公會晉侯宋公衛侯曹伯莒子邾子滕子薛伯杞伯小邾子齊世子光會吳於柤。指其駐師之處為已定也。此會吳於柤之時其間豈不聞楚子之自將伐鄭。鄭不能支必將屈伏請成以背晉之同盟於戲也哉。而晉侯初不之計。方自柤而伐偃陽。至夏五月甲午遂滅之。則何為而出於此。蓋去鄭而會吳於柤者。吳為楚之敵國以會結好。既得借之將楚而使莫敢騁也。偃陽為楚之與國以滅示威亦得因之震楚而使失所憑也。自是以往楚子將有東顧之虞當不復銳意北方以爭鄭矣。晉悼公之圖霸能用十二國之衆不盡其力而皆奏其功者其權變有如此。若左傳所載滅偃陽之本末徒紀晉三帥之專令以私於宋向戌徒誇魯二士之

# 公至自會

賈勇以悅於孟獻子。直使公與晉侯、宋公、皆若木偶。然他國君世子又無論矣。是惡得信為當日之情事。信真者與。管見公以去年冬初會伐鄭。十有二月同盟於戲。公仍未得歸也。及今年春又復會吳於柵。夏五月遂滅偃陽。公於是乃得歸矣。事閱三時而公之兩會相續。故當其歸而書公至自會者一而已矣。

## 楚公子貞鄭公孫輒帥師伐宋

管見去年冬十有二月。楚子伐鄭。鄭無信。惟強是從。度自去年春。晉以諸侯會吳於柵。鄭必背盟。服楚而楚子還矣。邑而聞其夏五月甲午。遂滅偃陽。偃陽在今兗州嶧縣南。與今徐州之沛縣東西相直。故汪氏克寬亦謂偃陽在沛縣也。是實附近宋都。晉侯滅之。而以其地與宋公。宜矣。然偃陽屬楚之與國。詎肯聽其為宋有乎。此楚之挾鄭以伐

宋高氏開曰。為宋公受偃陽故也。去年冬之伐鄭。楚子自將師還。及今年夏。復因宋之受偃陽而伐宋。楚子不行。則使公子貞專閫而飭叛。而後服之。鄭悉其車徒以濟之。於是鄭之公孫轅亦因楚令而趨其役矣。凡卿將例稱帥師。楚公子貞帥楚師。鄭公孫轅帥鄭師。經特以帥師二字總稱者。鄭師屬於楚。鄭公孫轅亦屬於公子貞耳。非省文也。至於帥師伐宋。楚主兵而從以鄭。雖如傳云。國宋門於桐門。究何嘗得志於宋哉。方晉之滅偃陽。楚既不能救。及宋之有偃陽。楚卒不能取。從可知其但言伐鄭者。以為伐之而已。馬爾其示譏之意。則畢具矣。

# 晉師伐秦

管見自前文公十六年楚莊旅與秦康公營。及巴人滅庸。楚以庸地之錯入于秦者。盡歸之秦。秦與楚自是通好。厥後秦歷四君。至景公。楚歷二君。至共王。常此襄之十年。則既四十九年矣。豈嘗聞此二國之有隙哉。再觀襄之十三

年秋九月，楚共王審卒。凡在位三十年。左傳猶於其卒之  
先年冬，稱秦景公之妹恭嬴歸為楚共王夫人，則知其先  
之通婚姻者久矣。楚好於秦，以逼晉。晉亦通於吳，以制楚。  
至是悼公強盛，而楚已不競。故去年冬十有二月，晉合諸  
侯伐鄭，鄭得同盟於戲，即於今年春移師以會吳於柎。所  
以遠結楚之仇讐，而使生其寇難也。既會吳而遂滅偃陽，  
以與宋猶是附楚之微國耳。自偃陽旋師，諸侯歸而晉師  
旋復伐秦，則又所以近攻楚之姻親而使弱其黨與矣。若  
左氏於九年傳謂秦景公使士雅乞師於楚，將以伐晉，楚  
子許之。秋，楚子師於武城，以為秦援。秦人伐晉，晉飢弗能  
報也。及今年夏，晉使荀息伐秦，乃報之。似亦不得已而興  
師者。然秦之伐晉，初不見於經。讀傳者又安可據以為  
實耶。

# 秋莒人伐我東鄙

齊人伐莒 莒人伐我東鄙 襄公十年

四二



管見此稱莒人。即以人莒子也。伐我東鄙者。豈他人之為之哉。計前之六年秋。莒人滅鄆。八年伐我東鄙。傳謂鄆田有入于魯者。將殲理之。此其名矣。至此十年秋。莒人復伐我東鄙。則何名乎。然雖無名。而莒子則有以避罪矣。觀下書晉侯會諸侯伐鄭。莒子在焉。彼伐鄭之時。與此伐我東鄙之時。同在是秋也。當其東鄙告難。魯雖懇之于晉。而晉侯亦召訊之。莒子一諉。咎于國之臣。與衆庶而已。無與焉。爾惟春秋不容其詭道。售欺。乃于伐我東鄙之與伐鄭。兩事異地。而同時者。使莒子一人之身。得分見焉。觀其會師以伐鄭。此莒子之形所存。則明指目之曰莒子。想其專師以伐我東鄙。此莒子之神所係。則暗指目之曰莒人。形可踪跡。神不可踪跡。然則莒人之為人。直是鬼。而人者也。人屬貶稱。至此尤為貶之盡義。

公會晉侯宋公衛侯曹伯莒子邾子齊世

# 子光滕子薛伯杞伯小邾子伐鄭

〔管見〕此年夏。楚公子貞、鄭公孫轅帥師伐宋。是鄭復背去。年冬之同盟于戲而從楚矣。於時晉師方伐秦。既還。乃以其秋伐鄭。仍合前同盟于戲之十二國也。惟是齊世子光先皆序于諸侯之下。此則書公會晉侯宋公衛侯曹伯莒子邾子。即廁以齊世子光而後及滕子薛伯杞伯小邾子。是何所為而頓進其班耶。左傳言齊崔杼使世子光先于師。故得長于滕子等四君。然先至亦屬偶然。而其班遂因以進。脫使也。時不免後至。又將從而退之乎。此其不足據必矣。攷周官典命。諸侯之世子。誓于天子。而攝其君者。下其君之禮一等。則侯國世子宜次于伯爵之君之下。美誓命也。天子命之。以為嗣。則諸侯不得易。是固世子所深願者。尔日之齊世子光。豈嘗誓于天子也哉。獨以晉悼公初立。當襄之元年。其二年冬。齊世子光會晉城虎。三年夏。即同盟于雞澤。五年秋。與晉會吳于戚。冬。救陳。至八年。

冬會伐鄭。復同盟于戲。此十年春。再會吳于柵。夏。滅偃陽。晉侯益嘉。齊世子光之勤。即以此時請于王。而命之為世子。使之攝其君。以從晉之會盟。師役也。王許之。及晉師伐秦而歸。王之命已降。乃即因秋之會。諸侯以伐鄭。特為齊世子光進其班焉。欲以昭王命耳。或疑王之命齊世子光。晉侯代之請。其能必得之于王乎。曰。能。觀明年為襄之十一年。傳云。王叔陳生與伯與爭政。王不能平。晉侯使士匄平之。是方不難。振王靈。以折周卿士之爭。先豈難于邀王寵。以獎齊世子之勤哉。且王之必聽晉侯以命齊世子光。其近事亦有可推見者。傳稱十二年。周靈王求后于齊。齊侯許昏。王使陰里結之。又稱十四年。王使劉定公夏賜齊侯命。十五年春。經書劉夏逆王后于齊。然則此年之王命齊世子光。即謂王將求后于齊。又旋以賜齊侯命者。並以是起其端焉。可也。至于齊本侯爵。世子光既命于王。將會諸侯而下其君之禮一等。是當居子之上。而從伯之後者。今乃轉先莒子邾子。而以薛伯杞伯與滕子小邾子並

後于齊世子光則何以故。蓋莒邾之於諸小國較強。齊世子光新受王命。仍固讓莒于邾。而已後之。以明謙耳。非定班也。若薛伯杞伯之微弱甚。前已介於滕子小邾子之間。周班早素亦備宋之公。爵尊于晉。而晉侯獨常先宋公也。故此會之諸小國。在已命之齊世子光。雖猶晉亞于莒于邾子。而於滕子薛伯杞伯小邾子。則泰然居其上。而無庸多遜矣。

# 冬盜殺鄭公子駢公子發公孫輒

管見此條惟張氏洽之說得解。可因而申之。襄二年傳云。鄭成公喻疾。公子駢請息肩于晉。謂欲改從晉也。然豈其本志哉。特欲得成公死。不肯楚之道。以箱泉口耳。及冬。晉師宋師衛甯殖侵鄭。諸大夫欲從晉公子駢。以官命未改。止之。至其冬城虎牢。襄三年夏。同盟于雞澤。五年。會吳于成。冬。救陳。皆鄭伯喻之子。髡頑。志于從晉也。及七年。

而楚公子貞固陳。晉會諸侯于鄆。以謀救陳。鄭伯死。頑如會。由公子騑阻之。不獲。及郕。遂使賊夜弑之。以瘞疾赴于諸侯。此其罪大惡極。可無討乎。及簡公嘉立。公子騑當國。其司馬公子發司空公孫輒。惟騑是聽而已。簡公元年。為襄之八年。晉以命朝聘之數。會于邢邱。鄭伯與焉。則猶然從晉也。是年冬。楚公子貞伐鄭。在廷之臣多有議堅守以待晉者。而騑請從楚。以任其無咎。九年冬。公會晉侯宋公衛侯曹伯莒子邾子滕子薛伯杞伯小邾子伐鄭。凡十二國。鄭懼。乃同盟于戲。已而楚子伐鄭。鄭復背盟從楚。騑是公子騑倡言。而其黨公子發公孫輒為之附和也。及今之十年秋。晉更以十二國之師伐鄭。車徒駢闐。雷轟電擊。鄭之難亦孔亟矣。國中自諸大夫而下。以至士卒庶民。皆知其罪在公子騑。及公子發公孫輒。固無如之何也。而其時乃有人焉。直若成之十七年。晉以一朝而殺卻錡卻犂卻至之三卿。其抽戈結衽者。獨一魚鱗而已。茲於鄭見兵對焉。彼蓋憤于公子騑者。實欲信公子邾賊不討。而公子

發公孫輒復委心聽命于賊使之事大無信而兵亂日至焉乃陰伺此三人者同在公宮執政之所哭懷利兵以入遂殺公子騄而賊討並殺公子發公孫輒而黨賊者亦討夫豈不大快人心也哉惟是戕害出于暗闇雖當其罪終不得與司寇之明正典刑一例觀也仍似寇之行耳故亦以盜稱焉然玩所以特目為盜之意正欲借以覘誠鄭之無臣其諸大夫並不能與此盜若也如謂不然彼公子騄大逆不道人人得而誅之其公子發公孫輒並以阿附誤國殃民亦皆為王法所不容矣何以殺之者不開出自諸大夫而特出于盜哉再左傳於此條敘事甚詳亦有必當辨者其初稱公子騄與尉止有爭將禦諸侯之師而黜其車尉止殺又弗使厭此無論其黜車何謂所殺何來而猶與上書伐鄭有闕聯或非虛也然豈得指為深怨哉至其言司氏堵氏侯氏子師氏以公子騄為田洫皆被其侵而喪田焉尤為細故何至尉止與之相結不謀禦諸侯之師而聚徒展入直攻殺執政公子騄于朝耶若夫公子發公

孫報初未聞其與五人有隙而亦並殺之尤可怪矣當是時也子西為公子驂之子聞盜不做而出及歸而授甲臣妾多逃器用多喪脫諸侯之師將入彼子西特就擒耳惟公子發之子為子產者戒列而後出率兵車十七來以攻盜子矯助之殺尉止子師僕盜衆盡死侯晉奔晉堵女父司臣劇翮司齊奔宋是子產似乎能軍又胡以絕不籌及諸侯伐鄭之師乎且公子驂既死于盜子孔當國亦若不知有諸侯之伐鄭者然乃為載書以位序聽政辟大夫等弗順子產請焚書不可力言之乃焚于倉門之外注謂不焚于朝者欲使遠近皆見之也異哉晉以諸侯十二國之師伐鄭鄭必不敢戰當時其城以堅守矣乃攻盜之時盜之奔者各自其門出無所阻及焚載書以定衆又惟恐人之不見而必啟門以焚于門外亦無所防焉有是事乎然則傳文與經文欲合說以成一串殆必不能

# 成鄭虎牢

晉見前鄭僖公被弑。簡公生五年而立之。當襄公之八年。及莊公三年。終八歲耳。鄭之志于從楚。公子驪為主。而公子發、公孫叔為之輔也。此年秋。公會晉侯、宋公、衛侯、曹伯、莒子、邾子、齊世子光、滕子、薛伯、杞伯、小邾子。伐鄭。冬。盜殺公子驪。公子發、公孫叔。鄭人。以是悅于晉侯。則晉侯當許鄭成。使復守其前之同盟于戲也。至是鄭已服。而晉侯亦即以諸侯之師還矣。其猶必令其成鄭虎牢者。蓋度楚之必不忘情于鄭。亦防鄭之終復滅心于楚。故以此年春會吳于柤。欲以制楚而沮其爭鄭之謀。又以此年冬成鄭虎牢。欲以控鄭而堅其叛楚之志也。陳氏宗之曰。成則當宿兵。時糧。據險。退可守。進可戰。鄭服則保鄭。以拒楚。鄭或則我扼其要而制其肩背。南向足以禦楚。反向足以臨鄭矣。嚴氏放陸曰。昔日之城。所以為今日之成地也。左傳又言城梧及制。梧與制皆虎牢之旁邑。城之所以翼虎牢。其事細故。不書。



# 楚公子貞帥師救鄭

管見楚公子貞帥師救鄭。書于成虎。宋之後。則晉及諸侯之師已還。未嘗與楚師遇也。彼楚之救鄭。獨至于鄭而仍脅之以從楚而已。嚴氏啟隆曰。是時晉之計主于援鄭而使之自服。故進無逼之之兵。亦主於肄楚而使之自疲。故遇亦無勝之之意。此說誠得晉悼公圖霸之本情者。

## 公至自伐鄭

管見公至自伐鄭。必至魯而始書也。楚之帥師救鄭者。方來而公之會師伐鄭者已反。則晉悼公之欲疲楚師于此。可概見矣。

### 十有一年

# 春王正月作三軍

管見此書作三軍細玩諸傳說總無定義殆以泥自作字  
故然竊思小雅瞻彼洛矣篇云赫轡有奭以作六師此洵  
周先王之祖東都而大闢也作以奮武衛言觀大雅稱王  
奮厥武如震如怒曲禮稱軍行前朱鳥而後元武左青龍  
而右白虎招搖在上急繕其怒而作之全象具矣天子六  
軍師即軍也諸侯之大國當三軍魯為大國頃伯公若指  
為公車千乘公徒三萬非其裕乎以此言之則魯之三軍  
初非過制其因而作之亦以七不虞也似可以無戡焉獨  
值茲襄公之十有一年報以春王正月作三軍則為春秋  
所必識者攷禮記月令孟春命樂正入學習舞及仲春上  
丁復命樂正習舞釋菜天子乃帥三公九卿諸侯大夫親  
往觀之仲丁又命樂正入學習樂已而季春之末擇吉日  
大合樂天子乃帥三公九卿諸侯大夫親往視之凡以順  
春氣之發舒而生生者也至孟秋之天地始肅鷹乃祭鳥

天子迎秋于西郊。賞軍帥武人于朝。乃命將帥選士厲兵。簡練樂器。再任有功。以征不義。詰誅暴慢。順彼遠方。季秋。天子乃教于田獵。以習五戎。班馬政。命僕及七駟成駕。載旌旒。授車以級。整設于屏外。司徒播擯。北面誓之。天子乃厲飾執弓挾矢。以獵。命主祠祭禽于四方。凡以順秋氣之嚴凝。而主殺者也。然當秋主殺。而習兵。至於季冬。亦命樂師大合吹。而罷焉。是仍未始去樂。不用終謂樂順春生。而有解於殺矣。若夫春主生。而習樂。至于孟夏。亦言驅獸無害五穀。而隨禁以毋大田獵焉。是雖未能去兵。不用終恐兵順秋殺。而有害於生矣。况乎春王正月。屬當孟春。月令特稱是月也。不可以稱兵。稱兵必天殃。兵戎不起。不可從我始。毋變天之道。毋絕地之理。無亂人之紀。其示戒豈不深切著明也哉。是時魯襄公生年終十有四。季孫宿專此其志。直欲以武自見。較之其父季孫行父之謚文者。強益甚焉。乃獨主于踊躍用兵。遂於春王正月。亦復傾國之車徒以出。如歷戎行。對大敵。填然鼓之。以作三軍。有猛起而

無疾竭夫非稱兵也耶夫非兵戎不起而自我始也耶此其變天道絕地理亂人紀祥何能悉舉以誠之惟直者其春王正月作三軍使知者為之師屬也耳其誠意以含蓄而愈無盡

## 夏四月四卜郊不從乃不郊

帝見前襄公七年書夏四月三卜郊不從乃免牲免牲即不郊也值茲十有一年之夏四月先已三卜郊不從而又四卜之以視七年為有加矣而卒之不從乃不郊玩乃字之意獨以不敢更五卜而不郊耳夫豈轉念其卜之瀆神固已逾於再三也哉

## 鄭公孫合古之帥師侵宋

晉以諸侯之師伐鄭冬盜殺鄭公子駘公子孫然則鄭之主于從楚者亦幾盡矣其時鄭必叛楚

而服晉故晉侯遂以諸侯之師還。惟謀所以成虎牢也。至是而楚公子貞之帥師救鄭者。乃及鄭。豈不料鄭之為晉所迫。必使不敢背其九年之同盟于戲也哉。然鄭雖服晉。究未嘗與晉復事同盟。其叛楚之情。楚公子貞亦無可致詰。乃當其帥師去鄭。假楚子之命以命鄭。侵宋。伐之。借以報楚師救鄭之勞。而即自明其志之終不叛楚。以服晉也。蓋晉之庇宋已屢。而楚之警宋益深。自成公末年夏。楚子鄭伯伐宋。宋魚石復入於彭城。及襄公元年。為晉悼公之元年。頓使欒黶會八國之師圍宋彭城。彭城復歸宋。是年秋。楚公子壬夫帥師侵宋。二年春。鄭師復為楚伐宋。晉未能得志。楚何嘗一日忘情于宋乎。仇去年為襄之十年。晉又以其春合諸侯會吳于柰。夏五月。遂滅偃陽。偃陽屬楚之與國。晉滅之以予宋。宋受之。楚亦旋使公子貞及鄭公孫鞅帥師伐宋矣。卒不聞其有以成宋而使莫敢有偃陽也。度楚之公子貞亦稔知楚子之心。將以伐宋。乃急乘其冬之帥師救鄭者。示以成宋之意。使先伺宋之

問而侵之。因是而此十有一年之夏四月，鄭公孫舍之師，師侵宋，莒、承、楚、強令耳。左傳指為鄭之詐謀者，恐未確。

# 公會晉侯宋公衛侯曹伯齊世子光莒子邾子滕子薛伯杞伯小邾子伐鄭

管見此年夏四月，鄭公孫舍之師，師侵宋，迫於楚令也。若得明其不終背楚，又何，以解於復背晉乎？故晉之會師伐鄭，亦即在此。鄭師侵宋之月也。惟經書公會晉侯宋公衛侯曹伯，即繼以齊世子光，其莒子邾子，並與滕子薛伯杞伯小邾子，以次列於其下，以視去年秋之伐鄭，其曠叙十二國者，又復小不同耳。此何以故？蓋由齊世子光數從晉之會盟，師役晉侯已得請於王而命之為世子，則光以去年秋會師伐鄭，其班即當從伯之後，而仍未嘗遽先於莒子邾子者，以莒子邾子於小國為之冠，猶因讓之以示謙也。及此年復會伐鄭，齊世子光雖仍固讓莒子邾子，必固

辭之。晉侯亦當謂侯國之世子。既命於王。只下其君之禮。一等是宜。以從曹伯而先於宮子邾子為定制矣。說者多擬齊為強大。又世子光每先至。晉侯遂使長於小國之君。一進之而退。滕子薛伯杞伯小邾子再進之而退。宮子邾子庸可據乎。至於晉之會師。本因鄭公孫舍之之帥師侵宋也。在經文不書救宋。而但書伐鄭者。大凡師之用侵皆突如其來。亦瞽然而去。主於剽掠。不主於攻圍。或侯他國救之。必多緩不逮事。故此晉之會師伐鄭者。特以聲其侵鄭之罪。而致討焉。爾不及救宋之被侵。而能討鄭之用侵是。豈不足。以當宋之報鄭。而亦即有以致鄭之服晉也哉。

## 秋七月己未同盟于亳城北

〔管見〕晉之會師伐鄭。起於夏四月。至此秋七月己未。乃同盟于亳城北。則其間歷夏之五六月。鄭必堅守。以待楚師之救也。已而秋七月矣。楚師不至。鄭德甚。亦知楚之不足恃賴。乃使乞盟于晉師焉。晉侯許之。因以是月己未同盟。

于毫城北。按毫城所在。據明志古蹟類云。毫城在今河南歸德府城東南四十五里。契父帝營都毫。湯自商丘遷焉。周書立政言三毫。謂南毫北毫景毫也。汝都毫城。即三毫之南。毫是已。致之。案字記亦同。然則毫城乃宋地耳。杜注指為鄭地。恐未確。又按前之九年冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭。十有二月己亥同盟于戲。戲屬鄭地。而此乃同盟于宋地之毫城北者何。蓋晉悼公以同盟于戲。其時十二國之師。駢集鄭地。是近於要盟耳。何以責其必信。今復以盟許鄭。猶是九年之同盟于戲而已。然必先以坦白相示。使伐鄭之師皆退。是於宋之毫城北。即定其地。以為盟所。由是鄭國為之解嚴。凡鄭之君若臣亦諒我之無詐。而不復我虞。則其來盟于毫城北者。雖入兵車之會。直可作衣裳之會。觀焉。夫豈不足以結信而得同。其不同哉。且鄭先侵宋。宋亦不能無怨矣。及是而鄭得於毫城北。履宋地。見宋公。與之刑牲。歃血同列於載書。以詔明神。則謂鄭之與宋將。



自此同盟以後，即各釋怨而敦好焉。無不可者。又孰非晉侯所由必盟于亳城北之意也耶。

## 公至自伐鄭

〔管見〕晉之興師伐鄭，傳稱三駕。去年冬，書公至自伐鄭。於三駕居其一耳。惟此年之再駕三駕，則居二焉。再駕起於夏四月，至秋七月己未，同盟于亳城北。此再駕之終也。而又即為三駕之始。再駕三駕，皆師罷而復興，諸侯既歸而後會，非可並為一舉。故亦必書公至自伐鄭以界之。

## 楚子鄭伯伐宋

〔管見〕楚之擊宋久矣。鄭之畏楚亦深矣。去年夏五月，楚公子貞、鄭公孫轅帥師伐宋。此楚子之志也。晉以其秋會師伐鄭，戍鄭虎牢。楚公子貞救之，緩不逮事。至今年夏四月，鄭公孫舍之復帥師侵宋，由公子貞於救鄭時令之。亦楚

子之志也。晉復即於夏四月會師伐鄭。及秋七月己未同盟于亳城北。鄭伯與盟而楚師之救鄭者不聞。蓋晉之能得諸侯。每起兵動衆。列數之。皆十二國。楚子知其不可敵。河。伺其間而東之。至聞此秋七月。晉之會伐鄭者。以同盟罷師。諸侯亦各還。乃亟整旅自將。脅鄭伯以從。戎遂伐宋。蓋料諸侯之初歸者。必不能旋使之會。諸侯之即興罷者。亦必不能旋使之興。雖晉師獨來。集勢不厚。當之易易耳。固可必此舉之能大得志於宋矣。夫豈知晉之協和諸侯。而藉其力。其會師伐鄭者。再駕之不已。而聯以三駕。微之。即至。亦皆不滅於其初駕也哉。

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

管見猶是秋七月也。終書公至自伐鄭。即聯書公會晉侯宋公衛侯曹伯齊世子光莒子邾子滕子薛伯杞伯小邾子伐鄭。晉之令何其數。諸侯之應晉令。何其勤哉。此楚子之所不及料也。當其挾鄭伯以伐宋。而忽聞此十二國之師。不憚疲勞而翻然來集。質之鄭伯。其去秋七月已未之同盟于亳城北。閔曰。曾有幾哉。楚子為之氣沮。可知矣。且其從楚子而能軍者。以令尹公子貞為最。傳嘗紀其言曰。當今吾不能與晉爭事。而後可。是必極陳軍志之知難而退。以說楚子者。於是楚子遂還。而鄭伯亦還。當斯時也。宋既解嚴。則晉之會師。卒經三駕未嘗以救宋而遇楚子。乃以楚子之既去而獨主於伐鄭矣。鄭將何以待之。前宣公十二年。經書楚子圍鄭。此楚之莊王也。傳稱其圍鄭既克。鄭伯堅肉袒牽羊以迎。曰。孤不天。不能事君。使君懷怒。以及敝邑。孤之罪也。敢不唯命是聽。左右以為鄭不可救。莊王曰。其君能下。必能信用其民矣。庸可幾乎。遂三十里而許之平。此亦鄭事之未遠者。今鄭伯嘉以其先君之

頃被弑生五年而立之。雖主國既經四年，猶同未任位耳。其臣若公孫舍之之徒，相與謀國，皆習於譎詐，翻覆推遷，是倚當位鄭之帥將及蕭魚之使，其君鄭伯迎晉侯於所為之屈，伏海罪以聽晉命，始而鄭伯堅之乞平於楚，莊公大相類也。惟晉漢周託達無情，不知鄭伯之從楚，幾宋而為楚子所脅，雖有罪而可原，乃因其能自下而赦之，又復而命之使復其所，即得與諸侯相見，其參諸十一國中，仍介於衛侯曹伯，不失其班位之舊，以是而晉曰會于蕭魚，夫經既書會，則不至愈於三駕，使鄭鄭實數勤諸侯，必當自蕭魚而進伐之也。而晉侯用之能用，以行德，若見矣。且經但書會，則又不至疑於三駕，伐鄭鄭已兩背同盟於諸侯，尤當自蕭魚而固盟之也。而晉侯周之能執信以杜欺者，亦見矣。李氏廉曰：自襄公八年後，晉楚爭鄭，三年之間，晉四與師伐鄭，楚輒救之。杜預公之服鄭也，不以盟誓為信，不以威力為武，所謂善勝者也。故晉之制於者三：文公以力勝，厲公以幸勝，悼公以告勝。其亦庶幾乎召陵之

不則乎伐楚盟召陵伐鄭會蕭魚杜注鄭地路史少昊後蕭魚即蕭魚也皆序續之文也蕭

# 公至自會

管見程子以兵不加鄭故書至自會李原曰厲公三伐終以伐致悼公三伐終以會致春秋之立文精矣季氏本曰伐鄭而致會不以伐為功以會為喜也蕭魚會而兵得息矣按三說足盡經旨

# 楚人執鄭行人良霄

管見鄭之行人良霄何以適在楚而楚得執之耶由楚子欲以鄭伯伐宋先有徵兵於鄭之令鄭不敢傾完城北之同盟而不應之亦旋使行人良霄者復於楚子楚子之伐宋本伺晉侯再駕伐鄭之師畢而乘其間利用速未及遂歸鄭之行入遽自將以出故良霄猶在楚耳及楚子鄭伯伐宋而晉師之三駕亦頓起衡是彼十二國之衆也楚子

度其必死。先卒於楚。以救宋。知不暇遂。以師還。既而。方伐  
志於宋矣。此立楚復開晉伐三駕之師伐鄭及蘇。蘇伯  
迎晉侯。服之。盡晉侯。遂令會于蕭魚。與十二國之諸侯。分  
班接好。在是時之鄭伯。豈復知有楚哉。楚子憤甚。而無  
若晉侯何。亦無若諸侯何。則並無若鄭伯何也。乃以鄭行  
人之言。猶在楚。縣命執之。許氏翰曰。書楚執良霄。見楚之  
力盡於楚矣。汪氏克寬曰。悼公之四伐鄭於戲。則楚子伐  
鄭成虎軍。則公子貞救鄭。亮北。則楚鄭伐宋。或伐或救。或  
執鄭以與晉爭。獨至于蕭魚。僅能止鄭之一卿。而不能出  
師。蓋勢窮力屈。知不可敵。而不敢抗也。李氏本曰。書楚人  
執鄭行人。良霄。則鄭之服可知矣。悼公之善於服楚於此  
可見矣。按三說立斷。皆允。惟左傳敘事。以為鄭伯會于蕭  
魚之後。乃使行人良霄告絕於楚。則有未必然者。夫絕楚  
則絕之已耳。奚以告為。且其言曰。孤以社稷之故。不能懷  
君。君若能以玉帛緩晉。不然則武震以攝威之。孤之願也。  
以若所云。實援楚子之怒。則足以殺其軀而亡之矣。豈但執

手之云

# 冬秦人伐晉

管見高氏閔曰秦景公妹為楚共王夫人於是為楚伐晉報去年之役也按去年夏晉師伐秦秦固必思有以報之而楚自去年秋及此年之夏與秋晉三駕伐鄭而楚不能爭則因秦有婚姻之緣而動之伐晉以伸伏讐之報蓋必有之然計出於此而楚之圖晉者亦幾窮矣以視憤於鄭伯而莫之能洩乃思執鄭行人良霄夫孰非無聊之極思哉也

## 十有二年

春王三月己未伐我東鄙圍台

管見前襄之八年夏。莒人伐我東鄙。其時之莒子以莊  
四年為之名。彼鄆田木與魯接。或亦有其界之未得。有虛適  
如莒子所云者。魯固明知其藉端滋擾姑衛之。而不討還  
用其來也。間一歲為襄之十年秋。莒人再伐我東鄙。其時  
之莒子實與公同會晉師伐鄭。未及歸。公雖訴於晉侯。而  
莒子必有諉其咎於臣與國人。而晉不能究詰方會。不勝  
知其詭情作難。仍銜之。而使得更給其惡也。又間一歲而  
值此襄之十有二年。春王三月。前經莒子之再伐我東鄙  
者。今更至於三矣。而其志乃益侈焉。則復聞其圍台也。台  
為東鄙之邑。杜注。琅瑯費縣南有台亭。今屬山東兗州府。  
計國日魯之執政季孫宿欲於武用有所表見。如去年之  
春王正月。雖不宜大閱之時。而季孫之作三軍。皆以討惡  
此其奮揚戎旅。豈得忘情於莒也哉。惟晉侯周之三駕伐  
鄭。去年居其二。公應晉令。晉從之。經文兩書會。亦兩書至。  
而後鄭服於時。為冬亦實無戰於國。莒矣。而莒子之狡焉  
思逞。陳瑜冬而及此。春終。斷春正月而及此三月。報因魯。



之師勞小息而乘其間不惟如八年十年之伐我東國亡而又以圍台殆卒料魯師之不能出以禦魯亦仍如八年十年之伐我東國馬耳然李孫宿於此則正思自將以實徵其作三軍之用矣

## 李孫宿帥師救台遂入鄆

〔節見〕台近費費為李氏賜邑李孫宿之救台亦借以錄費也謂其非純於為國無不可者觀襄之七年夏李孫宿謂行父為政終踰一年即有事於城費其情見矣至於帥師救台遂入鄆其相遂者特以若其入鄆之速耳使言人固台何能遂入台乎以入鄆報其圍台既足以屈莒子而入為遂入則李孫宿之作三軍欲於武用有所表見其專兵之始事亦足以震懼於魯而其因之政將盡歸之必可知矣〔案〕纂云鄆和注莒邑案文十二年李孫行父帥師城諸及鄆即此也蓋行父成鄆時鄆方屬魯後入于莒是年雖入鄆而未能有之昭元年李孫宿伐莒敗鄆斯乃又屬於

魯與莒地在今山東沂州府之沂水縣。與泰安府之新泰縣接壤。新泰故平陽地。宣公八年冬十月。魯城平陽以備莒也。城平陽以備莒。正為其失郕也。然則郕之為莒有師。在宣公之九年矣。

## 夏晉侯使士魴來聘

一管見左傳。夏晉士魴來聘。拜師也。杜氏預曰。謝前年代郕之師。趙氏鵬飛曰。晉悼公以聘問絰諸侯。此霸者之善術也。故是年冬公如晉。按本條之義止乎此。

## 秋九月吳子乘卒

管見徐氏彥曰。按宣十八年秋。書楚子旅卒。而吳至是乃書卒者。正以其與列國會同。不在楚後。是以春秋畧之。杜氏預曰。宣十八年。書楚子旅卒者。以其暴戾而諸侯交。接赴告之相親也。此書吳子乘卒。亦以其暴戾且明諸侯通。

之會之而赴告之相及也。趙氏鵬飛曰：吳楚不書，非魯不會也。聖人削之，避其號耳。按三說互相足，並錄之。

## 冬楚公子貞帥師侵宋

晉見此前之二年。晉侯三駕伐鄭，而楚不能爭，卒至訖郟。行人良霄且使秦人伐晉，計亦窮矣。適當此年秋九月，吳子乘卒，稍紓東顧之憂，乃以其冬使公子貞帥師侵宋，亦猶恐其復致晉師而不敢聲言伐之。夫固無能為者，然此舉之若不得已，則念楚之雄長南服久而浸盛，躬承莊王霸業，既三十年，乃至沮退畏人，師不出境，仍冀能甘於尸居君位，雖生猶死，聊復強為一振焉耳。春秋書曰：楚公子貞帥師侵宋。李氏廉以為著其無能為也，其論允矣。

## 公如晉

晉見魯襄公以霸主奉晉侯周。霸令諸侯五歲而朝，前襄公之四年冬，公如晉。五年春，公至自晉，初朝也。八年春，王正。

月公如晉。夏公至自晉。再朝也。此十二年冬。公如晉。明年  
公至自晉。三朝也。其如晉有冬春共時者。公之初朝。欲  
及其歲首。以示勤敬。以先年冬如晉耳。至再朝而公之如  
晉。在春正月。又春而朝。雖不克及其歲首。亦無不可考矣。  
若此年之三朝。仍復如初朝之冬如晉者。以此年夏晉侯  
使士魴來聘。公欲因朝晉。以躬拜。晉聘故也。朝晉當在明  
年春。拜聘當在今年冬。并  
惡得不仍以其冬如晉哉。

## 十有三年

### 春公至自晉

〔晉見〕去年冬公如晉。左傳曰。朝且拜。士魴之辱是矣。及此  
年春公至自晉。乃以稱孟獻子書勞於廟。禮也。如晉以朝  
兼拜。禮也。公之勤敬。可見。  
書而曰。禮哉。詞解之。

# 夏取邾

管見邾杜注任城亢父縣有邾亭後漢建武二年封劉隆為邾侯即此也今亢父城在濟寧州南五十里邾城在州東南按山東齊寧州其東南為鄒縣邾即邾子之國然則公羊以邾為邾邑當從之但春秋不明書伐邾而特書取邾使讀者若不知邾之為邾邑然則是此取字非謂其取有邾邑乃謂其取邾也觀成公六年春之書取邾與此襄公十三年之書取邾正同蓋以邾與邾舊本邾邑未審以何時為邾所侵耳自成及襄二君繼世中間間二十有五年或於其前取邾又或於其後取邾由魯失者亦由魯得直如有物寄諸他人卒乃徐而收之以歸已也云爾以視其他侵伐國入之書取者豈可一例言哉至於取邾一取邾之年並當其君幼弱則惟執政之卿主之公無與焉矣成之執政為季孫宿方以武元取邾必其任也不將各自朝焉執政為季孫宿方以武元取邾必其任也不將各自朝焉

有勞於國乎。然彼季孫行父之取郛。適際晉侯與之同盟於蟲牢。亦幾於霸。而公與郛子皆在焉。越茲季孫宿之取郛。又早值晉侯周之同盟於雞澤。已成為霸。而公與郛亦皆在焉。於是季孫行父及季孫宿特先後假晉令以脅郛之。反其侵地。而郛子亦不得訴之於晉。以咎魯。故春秋於昔成公時。但書曰取郛。初莫得識其誰為取之者。所以隨季孫行父之謀而竊加意者也。復於斯襄公時。但書曰取郛。仍莫得識其誰為取之者。所以範季孫宿之任而陰從屏退也。曾何勞之足云哉。左傳就取字生義。以為凡書取者。皆言易也。雖不盡然而以此解魯之取郛。取郛二條最合。

## 秋九月庚辰楚子審卒

管見左傳云。楚子疾告大夫曰。不穀不德。少主社稷。生十年而喪先君。未及習師保之教訓。而應受多福。足以不德。

而亡師于郕。以辱社稷。為大夫憂其宏多矣。若以大夫之靈。獲保首領。以沒于地。惟是春秋寃宥之事。所以從先君于禰廟者。請為靈。若厲。大夫擇焉。按此楚子審之自戕。已足定其生平。後人可不更加之論斷矣。

## 冬城防

管見。前莊公二十九年。城諸及防。杜注。防在瑯琊華縣東南。今兗州府費縣東北六十里有華城。即華縣也。據此。則防在費縣東北矣。六年春。莒人圍台。季孫宿帥師救之。杜注。台在費縣南。是與此所謂防。皆屬於魯東鄙。而與莒近者。莒人圍台。而未能遂入其城。必尚完。惟防之有城。更湏繕治。恐莒人不得逞於台。將復有事於防也。因是及此年而城之。然國之城其邑。亦常事耳。春秋不悉書其書者。必有為也。按前之三年。季孫宿為政。方新。卽以其夏四月而城費。是實其私志矣。及是而城防。雖以備莒為名。而亦陰欲借為費之外。蔽又執非出於城費之私志也。哉。故特書。

以示譏焉。或以此後數年，齊侯屢伐我北部，而齊高厚，乘  
因而圍陽，則疑此防為近齊之邑，其城防實以備齊殆非  
見。

# 十有四年

春王正月，季孫宿、叔老、會晉士匄、齊人宋  
人、衛人、鄭公、孫蠆、曹人、莒人、邾人、滕人、薛  
人、杞人、小邾人、會吳于向。

管見前襄之十年春，公會晉侯、宋公、衛侯、曹伯、莒子、邾子、  
滕子、薛伯、杞伯、小邾子、齊世子光、會吳于柤。是由晉侯、周  
之請於吳子、乘，以通好也。今襄之十四年春王正月，季孫  
宿、叔老、會晉士匄、齊人、宋人、衛人、鄭公、孫蠆、曹人、莒人、邾



人。滕人薛人杞人小邾人會吳于向。是又由吳子過之請於晉侯。周以繼好也。觀十二年之秋九月。吳子乘卒。其得書于春秋者。以諸侯之使人弔之與魯並同故。然于時吳子過新立。深感於中國之相哀恤。為有禮。仍欲邀其惠。乃踵前之會於柤者。以期復會于防。獨不敢煩諸侯之親至。而於諸侯之卿大夫請相見耳。以是告於晉而晉許之。其會所在向。杜注以為鄭地。恐不確。蓋此會吳于向。與前之會吳于柤。書法同。則吳為吳子過也。吳子過能遠涉鄭地。特以向為之會。所在晉侯及諸侯。似皆外之。而各使其卿大夫往焉。於情事不已乖乎。攷宣之四年。公及齊侯于莒。及鄭莒人不平。公伐莒。取向。則此向得指莒邑言之。莒瀕吳境。左傳稱晉侯使申公巫臣如吳。嘗假道于莒。是莒之有向。其為吳晉相通之道必矣。雖吳子至向。亦屬出境。然其先君之會於柤。莒子與焉。則今借之為北道主。以會于向。可也。至其來會吳者。凡屬大國。以上大夫為卿。晉侯必令使其卿以為會。情重如魯季孫宿叔老之會晉士

句者是為稱之。而齊與宋衛。俱以下大夫苟於少數。其名不。則于諸侯。則不得不書曰齊人宋人衛人而已。惟鄭新服晉。猶如晉。今其卿公孫董。雖遠遜于晉士句。尚得從晉季孫宿。叔老之後焉。是當以名見耳。他如自曹以下。凡皆知滕薛杞之與小邾。其大夫微不足數。則黜其名而連類書之曰曹人邾人滕人薛人杞人小邾人。固其分也。彼齊宋衛之三大國。其所使皆不得名而人之者。苟非有鄭公孫董以介兵。則將何以自別於曹以下之諸小國哉。當其會吳于向。雖吳子不能盡辨。而晉悼公之溺令亦浸有。不免于貌從而心違者。於此會之齊宋衛可徵矣。齊宋衛不使卿會。春秋皆人之。譏也。而於魯則又聯書季孫宿叔老之兩卿同會。則曷諷乎。蓋魯宣公之母弟叔矜生公孫嬰齊。嘗著敗齊於鞌之績。其孫為叔老。殆有父風焉。公孫之子不得稱公。曾孫得蒙其祖叔矜以別。為叔氏。則將與桓族叔矜之為叔氏者相敵也。桓族凡三。惟季氏最強。同特若仲孫蔑無特才。而叔孫矜頗嫻武用。季孫宿謀

獨冉魯政其兵惟不可旁落乃欲引叔老為已助以分主  
戎事不使叔孫豹得擅其長故因此年之會吳于向而屈  
以為介令其有以自見所以起委任之端也觀其冬之會  
晉師伐秦猶使叔孫豹及閔二年而會晉師伐許則不便  
叔孫豹而特使叔老其情見矣春秋於會向之正使既首  
審季孫宿而亦不遺其所引為介之叔老者豈非欲先揭  
其弱公室而植私黨之隱曲哉

二月乙未朔日有食之

夏四月叔孫豹會晉荀偃齊人宋人衛北  
宮括鄭公孫蠆曹人莒人邾人滕人薛人  
杞人小邾人伐秦

晉見此前之五年。晉於九年伐鄭。十年夏亦伐秦。其秋復伐鄭。十一年人自夏及秋而伐鄭。鄭服楚不能爭。而其冬秦人伐晉。報十年之晉師伐秦也。伐一年而為今之十四年。其春正月吳因晉以請諸侯之卿大夫會于句。晉令會之。則鄭以多晉之東南無可虞矣。遂有事於西以伐秦。亦欲以復報十一年之秦人伐晉焉。固然伐秦之師其仍合為十二國者與前數年之伐鄭同。而晉侯不自行。特令其妻任鄉大夫者乃僅與今年春之會吳于句。同其能以有濟乎。且其來會者首舉魯之叔孫豹。既亞於會吳之季孫宿矣。又自會吳以及伐秦皆由晉令。彼則晉士句主之。此則晉荀偃主之。跡其狃於輕躁自逞。荀偃不尤甚於士句耶。至於與魯同會之諸國如所稱齊崔杼宋華閱之徒皆未聞其一至。則猶是會吳之齊人宋人而已。惟衛人易以北宮括亦爾。卿列當不過與鄭公孫蠆為之伍耳。此下若曹人莒人邾人滕人薛人杞人小邾人又豈能與先之會吳于句者有所區別乎哉。以是而伐秦其伐之誠何若也。

據左傳所綏舉以撮其大要。師出無律。將各異心。徒以煩民功績。幾有晉人謂之遷延之役。遷延者。却退也。只此二字亦覺形容曲肖矣。

## 己未衛侯出奔齊

〔管見〕此書衛侯出奔齊。說者多以失國不名。疑之。攷二十八年夏。書衛侯出奔楚。是為衛成公鄭也。不名。月而書衛侯。鄭自楚復歸於衛。則名。又是年冬。書晉人執衛侯歸之于京師。是亦為衛成公鄭也。不名。及三十年秋。書衛侯鄭歸于衛。則名。此其例矣。蓋諸侯之不名。春秋欲於其去國之初。而與以後之特復歸也。諸侯之復歸。則名。春秋又欲於其入國之初。而惕以前之害。出奔也可無事。別求異義。

## 莒人侵我東鄙

管子見趙氏預曰報入郭也趙氏鵬飛曰季孫宿之入郭非  
為其首而後猶以為憾復侵我東鄙以報入郭之後焉至  
十六年魯討於晉平公處晉人執之以歸而乃釋之然後  
少後故二十年仲孫達及莒子盟于向而魯始無東鄙之  
患按二說於前後  
經文貫串無遺

# 秋楚公子貞帥師伐吳

管子見趙氏鵬飛曰楚原即位修先君楚子番之怨於諸侯  
謂楚所以不得志于北方者吳實為之梗也故置宋鄭不  
問而首伐吳焉今伐而未得吳故二十二年親伐  
之其所以盟吳也深矣按此說盡括楚之隱情

冬季孫宿會晉士匄宋華閱衛孫林父鄭

公孫高莒人邾人于戚

齊宋火事已見卷之十四年

衛侯出奔齊左傳言晉侯問衛故于中行獻子是即前使  
程滑執晉侯州蒲之荀偃也偃對曰不如曰而定之衛有  
君矣伐之不可以得志而勤諸侯君其定衛以待時乎冬  
季孫宿會晉士句宋華閱衛孫林父鄭公孫彊皆人知人  
于戚也父衛也許氏翰曰衛人立剽非正也而謀定之則  
正不勝矣林父在會是以知其謀定剽也高氏閏曰諸國  
書卿明皆林父之儀也張氏洽曰前書衛侯之奔此列孫  
林父于會晉為霸主抑君而臣是助具書于策則晉大夫  
之黨林父罪惡自見冢氏鉉翁曰晉悼用師於鄭衛衛無  
會不往無役不從今為其臣所逐晉當會諸侯納衛君誅  
孫寧以伸霸討乃盟主職分所宜為既不能然反聽賊臣  
立君而為會以定其位此春秋之所甚惡也王父貫道曰  
戚林父邑也合列國於孫氏私邑抑君而臣是助非正名  
之義矣王氏錫爵曰荀偃本執君之賊故為逆賊謀而伐  
其弑君之亂自是刻弑而衛歸衛有二君者十年晉實為

之也。按合觀諸說，足盡經旨。嗟乎，衛孫林父之逐君立君，徒以黨于晉卿而恣行若此。當其因而定之，以會于戚晉卿，復假魯與宋鄭之卿為之助，猶是其匹也。乃更遂以晉人邾人，不倫不類，必非無因而至，亦由晉之有以招之，則何為而然也。豈欲借以明其相與定衛者，固合大小諸國之卿大夫，而皆無異議乎。此其事之謬矣。出人意表，乃至坦然行之而不疑。春秋之世變及茲，可為長太息已。

## 十有五年

春宋公使向戌來聘二月己亥及向戌盟于劉

晉見宋之向戌。由此十五年春宋公使之來聘。且請盟於是始見宋何以聘而請盟。蓋因前之十年十一年鄭以楚



今伐宋侵宋者。凡三。而晉亦為宋伐鄭。不憚至于三焉。其時公皆會師也。後得鄭服。而會于蕭魚。楚雖不敢更與晉爭。而其十二年冬。猶使公子貞帥師侵宋。宋何嘗竟得寧哉。及十三年。而楚子番卒。然後十四年中。初幸楚師之不至宋也。宋公乃於此十五年春。使向戌來聘。欲以拜前此連年會師伐鄭之勤。而又因其十一年之同盟于臺城北。着於宋地。合十二國。猶未得與魯特深其結締焉。乃即使向戌於宋。聘時以盟請于公。終期魯之與宋自是得永其款。忠恤鄰之意。以無替也。以故公既受聘。旋筮日於二月己亥。及宋向戌盟于劉。孔氏穎達曰。劉釋例地闕。蓋魯城外之近地。按此及向戌盟。盟宋公也。由向戌攝之。魯尊宋公。不得安坐于郊。以待事。乃定盟所于劉。地在郊。至期宋向戌先至于劉。而公因而及之耳。再抄春秋書此。雖似物紀宋公之以聘請盟。而其意則注在宋公之使向戌也。宋之桓族曰氏。羣推向氏之向戌為最。而不免為戴族之華氏所抑。自華元卒。于華閱繼之。如去年冬之會戚。以成衛

吳敗於十政至此後二年之九月宋華臣出外陳此閔之弟也傳稱華閔卒華臣弱閔子臬比之室使臬叙其宰華吳宋公欲逐之懼而出奔是則華氏替而向氏將興矣爾日諸侯之大夫不禁外交明年晉侯彪新立為泲梁之會諸侯不盟而大夫盟豈得復有所顧忌哉君弱臣彊若魯之季孫宿先嘗與宋華閔俱會成其赫赫亦謂于諸侯者而此年適值宋公使向戌來聘公受聘向戌既得私問于季孫宿至宋公復使之因聘請盟至二月己亥及宋向戌盟向戌顧不能借之以私誓于季孫宿耶計自今襄之十五年春至後襄之二十七年夏春秋書叔孫豹會晉趙武楚屈建蔡公孫歸生衛石惡陳孔奐鄭良霄許人曹人于宋傳稱宋向戌誓于趙文子又誓于令尹子木欲弭諸侯之兵以為名遂有此會文子即趙武令尹子木即屈建宋向戌皆得善之則此年之以宋公命聘魯盟魯而其即得善于季孫宿者固已早矣

# 劉夏逆王后于齊

管見劉夏逆王后於齊是時為周靈王。聞其生而有髭。不聞其幼而負康。及魯襄之十五年。靈王亦在位十四年矣。其先必非未始有后者。特由后薨而復以齊女繼之耳。公羊傳云。諸侯不再娶。而況於王乎。春秋但譏逆王后者。而斥其名曰劉夏。則王之可譏。不待言矣。且王之納齊女。必先之以聘。於今之逆而譏之。胡以不譏其初聘耶。蓋聘王后於齊者。亦此劉夏。故總于其逆王后而一譏焉。乃說者多以劉夏為士。因時名之。欲見此年之逆王后。不使卿而使士為非禮。是殆不然。夫王為至尊。雖當昏而不親迎。然將立后以為天下母。而猥使其士之賤者往逆。是王失自。張而並不憚有以。蔡齊矣。王豈為之哉。齊之於王。又豈能父之哉。且其指劉夏為士。亦本無據。攷周之世族。有劉氏出自靈王先王世之頃。王劉屬川畿內地。必嘗以封項王之後為食邑焉。遂以劉為氏也。觀此前之成十一年。傳稱

晉卿至與周爭鄆田王命劉康公單襄公訟諸晉十三年  
又稱諸侯朝王遂從劉康公成肅公會晉侯伐秦此康公  
雖聞名而有譏稱公其為卿復何疑耶自是而周之世於  
當不無有而劉氏矣及今襄之十四年王以求后于齊齊  
侯許齊乃使劉定公賜齊侯命賜命當使卿非士之任也  
劉定公者為誰杜注以為劉夏即可知傳文不以劉夏名  
而目之為劉定公此其亦以有證稱公者與前劉康公同  
則實承其稱以世為卿也必矣惡得於此十五年之二月  
使逆王后于齊猶然為士而以劉夏名哉再觀此後之昭  
元年是當周景王時傳稱天王使劉定公勞趙孟于潁猶  
是劉夏也至昭之十二年經書公會劉子晉侯齊侯宋公  
衛侯鄭伯曹伯莒子邾子滕子薛伯杞伯小邾子于平邱  
傳稱晉將焉盟齊不可晉侯使叔向告于劉定公亦仍是  
劉夏也然而計之劉夏惡景二王為卿最久春秋特書  
其逆王后于齊一事斥之曰劉夏則其生平之有重卿職  
亦其見矣蓋卿不名而士則名名其卿者黜之使儕于士

此以是為

義云爾

夏齊侯伐我北鄙圍成公救成至遇

季孫宿叔孫豹帥師城成郭

管見此十五年夏齊侯伐我北鄙圍成十六年春齊侯再  
伐我北鄙是年秋齊侯又三伐北鄙復圍成至十七年秋  
齊侯且四伐我北鄙前圍成者轉而圍桃並使齊高厚帥  
師伐我北鄙別圍防十八年秋齊侯不出而齊師猶伐我  
北鄙是何所忍於魯哉其志殆欲脅魯從齊以求得諸侯  
印特與晉抗衡焉耳至齊侯所由頓與此志者則恃其新  
為王之姻親而沒以修大若此初周靈王求后于齊齊侯  
許嫁王特使劉定公來賜齊侯命曰昔伯舅太公右我先  
王股肱周室邦保萬民世祚太師以來東海王室之不壞  
繫伯舅是賴今余命女環茲承舅氏之典纂乃祖考無忝

乃傳之哉。無廢朕命。是時也。王以齊逆而加褒。顧齊侯  
報。以命辭。而假外。其則萌圖起焉。昔楚之霸。必終服於齊。  
德也。齊之霸。則必先服魯。魯。偏也。觀此。年春二月。別夏力  
逆王后于齊。及夏。而齊侯伐我北鄙。固成。其情不已。具見  
乎。成在今山。宋兗州府寧陽縣東北九十里。寧陽在府城  
北五十里。距魯都之曲阜為近。亦以爲固成而克魯。必  
大懼。以與齊平。是則于服魯也。公救成。至過杜。注。過魯地。  
言至過。則不至成。可知。竊意此救成者。公親行其在。孫  
宿。與叔孫豹。必皆從公。存孫宿。欲以武自見。嘗于春正月  
作三軍。具餘習。已預。詎不思有以用之。然未嘗漫送也。十  
二年春。莒人伐我東鄙。圍台。季孫宿帥師救台。遂入郛。盡  
量莒之可敵。故因救台而遂入郛耳。然入而不取。其取郛  
者。猶待遲而至。於昭之四年。則亦其忌慎矣。今齊侯之伐  
我北鄙。固成。非莒人比。季孫宿獨戒人。以堅守拒之。亦  
務知成爲莒氏邑。邑頗固。成卒不能戰。亦仍能守。其奉公  
以救成者。本主於至過。以化。成之辭。援初不須。必至成也。

而成之國必解此其迹似畏怯而實出于為成持重之謀亦正欲得公之比于監軍者親見之矣已而齊侯解圍去公亦自過歸魯季孫宿乃以叔孫豹帥其敕成至遇之師而城成邾備齊侯之于成一國不克而欲再圍也成舊有邾非謀創築由齊侯之圍成環而攻之必有其缺壞之當繕治者其師據成城足以無虞而飭之以城成邾師亦衆並得因以立辨也

# 秋八月丁巳日有食之 邾人伐我南鄙

管見邾人伐我南鄙講家以指為邾黨于莒故然此說得之矣按前之八年夏莒人伐我東鄙十年秋莒人伐我東鄙至十三年春莒人又復伐我東鄙固台是時季孫宿帥師救台遂入邾邾久屬莒而莒人不能自救是有事于

魯其前之一舉再舉未得志而後之三舉乃更增以大恥  
其言人豈得忘情乎哉及昨十四年夏莒人之怨魯未解  
而氣沮計窮非惟不救言則並不敢言伐聊事役我東鄙  
而已其何以報季孫之入郕也耶於是決結于郕以借助  
而使人告之其意蓋曰魯師嘗暴莒而入郕猶幸未能竟  
取郕也竊聞郕之頑被其侵凌者彼魯之先君既於其六  
年取郕今君又於其十二年取郕皆為制邑而魯有之其  
終能含憤不發不思出一旅以搖蕩其邊疆乎郕子當此  
亦激於莒人而不自禁遂值此年夏魯有齊難其伐我北  
鄙圍成者公欽成至過而止季孫宿叔孫豹帥師城成郭  
北鄙未得解嚴郕子乃於此間而以其秋伐我南鄙也如  
是而郕之黨于莒者信矣及冬十有一月癸亥晉侯周卒  
明年為晉平公彪之元年二月公會晉侯宋公衛侯鄭伯  
曹伯莒子邾子薛伯杞伯小邾子于澠梁公訴于晉侯故  
晉侯即於會中令執莒子邾  
子以歸左傳曰以我故是已



冬十有一月癸亥晉侯周卒

晉見趙氏鵬飛曰。晉室中傾。三郤誅。厲公弑。悼公以公族  
自外入繼。即位之初。慨然思復文公之業。一圖宋。彭。城。而  
得諸侯。再奪鄭。虎。牢。而得郟。郟。外抗。強。楚。內通。東。吳。蕭。魚。  
之會。不戰。不盟。楚。不。敢。爭。鄭。不。敢。叛。雖。召。陵。之。役。不。是。過  
也。李氏廣曰。悼公立於成十八年。凡十六年。起曰公之衰  
而復文襄之盛。蓋晉賢侯也。李氏曰。晉悼公其猶有君子  
之資乎。踪其行蹟。能忠。厚。而。不。迫。堅。忍。而。持。重。有。回。顧。却  
慮。之。謀。無。輕。運。揀。快。之。舉。比。其。所。以。能。得。諸。侯。服。鄭。而。駕  
楚。與。使。晉。以。詐。力。相。長。未。必。能。服。諸。侯。也。悼公先以謙德  
臨之。難澤之。召諸侯曰。寡君願與二三兄弟相見。以謀不  
協。故十三國相與周旋。不令而從。無滅譖。遂執曹執衛  
之事。使晉以盟誓為信。未必能得鄭也。悼公欲以誠心行  
之。鄭子見曰。晉君方明。必不棄鄭。故五會之信。終於不盟。  
無迭。五。亡。盟。之。煩。使。晉。以。戰。伐。為。歲。未。必。能。駕。楚。也。悼公

一以容量處之。楚子囊曰：晉不可敗，事之而後一。故三虢之烈，不交一旅，無城濮、郟陵之勞，是三者。非君子之濟乎？但諸盟誓之權，非大夫敢干也。蕭魚已後，凡三大會，荀偃士句儼然臨之。諸侯維合，大夫沒分，何謹于諸侯而縱于大夫乎？王氏熊曰：宋晉悼公不討衛孫林父，逐君立君之惡，而聽魯季孫宿、會晉士句、宋華閱、衛孫林父、鄭公孫燕莒人、邾人于戚，以成其亂焉。尤為失之大者。魯之三、家晉之六、卿及齊之崔、慶、陳氏視此而縱矣。以上數說，據晉侯周之行蹟立斷，皆詳核精當，其意亦有互相足者，因彙錄之。

## 十有六年

### 春王正月葬晉悼公

晉楚盟法肆行，勞祀曰悼。法肆，大也。勞，勤也。謂為大行勞祀。其義仍不了。澈既難附會，至其稱中年早夭曰悼，晉侯

或當中年而實晉之賢君當從美諡惡得只據其早天以  
諡悼乎政之字典悼傷也自傷與人傷之並得通用意者  
悼公之卒時自傷霸業之未終雖及受舍而仍不眠日諸  
國之會葬悼公時亦共傷霸主之頓失凡與執紼而靡不  
出涕

與

# 三月公會晉侯宋公衛侯鄭伯曹伯莒子 邾子薛伯小邾子于湨梁戊寅大夫盟

晉見湨梁之會晉侯彪欲繼其先君悼公之霸也然自去  
年夏齊侯伐我北鄙國成特以新虜王之寵命頓與霸國  
故先脅魯而使之從齊耳其心寧欲晉嗣君之為此會哉  
計前悼公之霸自襄公之三年同盟於雞澤始齊侯惟以  
世子光處諸侯之末五年夏從會吳人于戚秋亦會於陳  
至九年冬會伐鄭同盟于戚十年春再會吳于柤晉侯請

於王而命光為世子。於是秋會伐鄭。既得進其班以先滕子。薛伯、杞伯、小邾子十一年。旌兩會伐鄭更進之以定其班。使得先於莒子、邾子而列公與晉侯、宋公、衛侯、鄭伯、曹伯之後。晉之於齊世子光不已厚乎。會晉侯周卒。子平公立。初莖悼公。而以其二月為會于溴梁。必使微會於齊而齊世子光不至。其不可入會之大。夫高厚至而名見於傳中。是知齊侯之於晉雖仍未始告絕。而其與晉為二者密矣。若莒邾以下諸小國其會中復開滕子則以有疾不行故耳。當時諸侯之尊霸令雖在喪亦猶越紼從事。非疾得辭也。滕子為是而使其大夫告晉侯以情。晉侯必當諒之。蓋邾子事晉久。當晉景公厲之同盪于馬陵。以邾子先杞伯使為諸小國從霸之倡。至于今躬從晉役無少懈。非若齊世子光之被德于悼公而遂以其辛背棄之也。是月也公會晉侯、宋公、衛侯、鄭伯、曹伯、莒子、邾子、薛伯、杞伯、小邾子于溴梁。凡十一國之君足稱大會。詎必常一齊世子光乎。既會則諸侯當還矣。及值月之戊寅諸侯皆不盟而大

大盟者其故為何。蓋先由晉侯之欲高厚盟而又不欲以與齊厚故卒至高厚不敢盟而諸侯之大夫乃因以卒其盟耳。其欲高厚盟者以高厚奉命而來既不若齊世子光之可以入會晉之於齊侯將安所取信乎。前悼公之同盟於戲復同盟于亳城北齊世子光皆與焉則索前盟之意而為之盟辭使高厚攝齊侯以盟其日訂是月之戊寅飭有司為之北面詔明神並合聚諸國從會渙梁之大夫皆往莅其盟焉亦庶幾乎偕徵齊侯之無異志與然高厚其敢盟哉。傳於此盟稱高厚逃歸其勢蓋必然矣。考齊之高厚為高無咎之兄昔成之十七年齊高無咎出奔莒子弱以盧叛齊侯使慶克佐崔杼帥師圍盧盧降高厚不知所終則亦出奔而已是時崔杼用事而慶克尤讓崔杼可知高氏不絕而猶得有為大夫之高厚此其列在齊廷於大夫中亦特奉身尾隨已耳。今晉以渙梁之會徵齊齊侯不遺遣其世子光以入于會而其來告於會者又不遺崔杼而遺高厚是輕晉也。於是晉侯亦輕齊使而不見高厚更思

有以迫逐之。乃於會訖。設置于戊寅。令大夫督高厚盟。使之對明神。以誓齊侯之無異志。高厚惡得而不逃。歸也。杜氏預曰。經不書高厚逃。歸也。此說是矣。蓋高厚以大。夫出使。梁。戊寅之盟。苟執義不從。亦足以伸其志。於何。至於畏偪而逃耶。尋命。若此。則措之以為不足齒。亦因。其。宜。高厚逃歸。則盟月為虛。以故。大夫請於晉侯。以卒是盟。焉。其意蓋謂高厚逃歸。是誠知齊侯之不欲結於晉矣。齊。或可無討乎。且高厚之來。齊侯使之。先必與世子光。及其執政大夫。崔杼謀之者。然則齊大夫之皆。或亦皆阿順齊侯。又可以無討乎。晉及諸國之君。以討齊侯。則晉之大夫。及諸侯之大夫。亦當從討齊侯。以並討齊大夫也。將使之與屢經同盟之諸侯。翁然同意。以謀其不協。則此日之戊寅。不獲齊高厚。以盟。正可號召諸侯之大夫。以盟矣。轉計悼公之三年六月。大會諸侯。以同盟于雞澤。其日為己未。及陳侯使袁僂如會。前二十日。為戊寅。叔孫豹及諸侯之大夫。及陳袁僂盟。此亦前事之可踵而行之者。由是晉侯。

許之。故此年之三月，春秋書公會晉侯、宋公、衛侯、曹伯、莒子、邾子、薛伯、小邾子于溴梁。即聯書曰：戊寅，大天盟。雖澤之大夫盟，稱諸侯之大夫，明乎是月己未，有諸侯之盟，而後於其戊寅，有大夫之盟也。至此溴梁之會，諸侯未始有盟，特月而不日，卒乃有戊寅大夫之盟，則必著其日矣。是盟也，豈如雞澤之大夫，猶有諸侯之盟，以先之哉？穀梁傳云：諸侯會而大夫盟，正在大夫也。諸侯在而不日，諸侯之大夫，大夫不臣也。此為定斷。

## 晉人執莒子邾子以歸

晉見莒人於八年夏，及十年秋，凡兩伐我東鄙，未得志。至十二年春，莒人復伐我東鄙，圍台。季孫宿帥師救台，遂入郕。莒人不克，自牧，其氣亦沮矣。故十四年夏，不穀已而聊復侵我東鄙，莫敢用，伐焉。夫豈足報季孫宿之入郕哉？值昨之十五年，齊侯伐我北鄙，圍成，公救成，至過，季孫宿叔孫豹帥師城成郕，蓋知其戰則不敵，特主於堅守以拒。

耳。而其秋別。又有邾人伐我南部。是因由莒人思結于邾而加之。激勸使邾子不忘魯之取邾取邾而以其間復怨也。晉其冬十一月。晉侯周卒。踰年為今之十六年。晉侯彪立。既葬悼公。即以其一月會諸侯于淡梁。齊惟大夫高厚至。不入會。莒子邾子皆會。如前悼公時。公乃以莒子齊侯及邾子之先後病魯。延及八年而魯之東部北都南都皆被其傷殘者。一一訴於晉侯。晉侯輒欲因是以伸霸令。即於會中執莒子邾子。左傳謂其執之以戒政。是已其不入會之齊高厚。則飭諸侯之大夫督高厚以盟。伴之畏。偪而逃。得反命於齊侯。而自幸其不與莒子邾子同執。亦足借以威齊侯矣。至戊寅之盟。月。晉侯從大夫之請。而許其同惡齊侯及高厚。以成大夫之盟。盟訖。晉侯將歸。乃令其所執之莒子邾子以歸也。執在諸侯會之時。以歸在大夫盟之後。經特以其執與歸而總叙之耳。以歸為歸于晉。其言其不歸于京師。是當此而稱人。亦恐未確。觀於莒子邾子存其爵。其前肅王命以為國君。耶。晉侯亦王臣。



而擅執國君是無王矣惡得不視其爵而貶以人哉前僖  
公二十八年三月書晉侯入曹執曹伯而其冬又書晉人  
執衛侯歸之于京師凡執之則必有所歸也彼晉侯所執  
其不言歸于京師者必以歸于晉可知矣執同而歸異其  
以歸于晉者稱晉侯歸之于京師者稱晉人則何以故蓋  
前之入曹為晉侯執曹伯亦晉侯也但與後之執衛侯對  
勘庸得謂其執衛侯則當人之執曹伯則獨不當人之乎  
又得謂其執衛侯歸之于京師則猶當人之執曹伯以歸  
于晉則轉不當人之乎據是以推知此年之書晉人執曹  
子邾子以歸其貶而稱人之意總以晉侯擅執則罪無可  
辭即使其執之以歸者或轉而歸于  
京師而晉侯之罪亦無可稍起也

## 齊侯伐我北鄙

〔晉見〕去年夏齊侯伐我北鄙圍成不克而還夫豈遂得志  
清於成乎哉王此年春齊侯再伐我北鄙度當不外成之

境也。而卒之不復圍成者。蓋齊侯欲示成人以怯。而使不為。簡竊擬今師方罷。而後師哭興。特為出其不意而攻之。亦預期乎秋之伐我北鄙。圍成。即卒有以克成云耳。

## 夏公至自會

管見此十六年夏公至自會。其得舉以告於廟者。如三月之會於溴梁。晉人執莒子邾子以歸。則前之莒人伐我東鄙者三。侵我東鄙者一。而又激勸邾人以伐我南鄙。即使邾人不得以一伐而遂已者。既幸固晉侯以少輯矣。且諸侯會於溴梁。是月又有戊寅之大夫盟。皆矢於同。惡齊侯及逃盟之高厚也。度不出二年。晉必合諸侯之師以進逼齊都之城。下齊將大有所挫辱矣。彼去年夏齊侯伐我北鄙。圍成。此年春齊侯復伐我北鄙。猶是成之境耳。而未聞其圍成。則前季孫宿叔孫豹之城成。郭為有備。獨成其守者。閭門固拒可矣。於國之社稷復何憂焉。

# 五月甲子地震

管見按春秋之正書地震者始見於文公九年之九月癸酉地震再見於襄公十六年之五月甲子地震也其實春秋有不正書地震而尤為地震之甚者亦不可以不知如僖公十四年秋八月辛卯沙鹿崩十五年九月己卯晦震夷伯之廟成公五年夏梁山崩皆以地震故也而其地之震為特甚遂至名山頽而古廟圯則此外之城郭室廬其傾危破壞莫能悉指乃獨舉其甚者書之耳詳見各本條下

## 叔老會鄭伯晉荀偃衛甯殖宋人伐許

管見前當成公十五年冬書許遷於葉葉為楚縣乃楚所謂方城外之蔽也而許得遷之者由許靈公嘗以鄭數伐許惟為所并乃以許與楚而易楚之葉以圖存耳許遷葉而楚遂有許反茲已二十年則此書叔老會鄭伯晉荀偃

衛甯殖宋人伐許。非伐許男。後遷于葉之許。乃伐其所前舉。以歸楚之故許也。伐許之役。晉主兵而其謀則定自鄭伯。即由春之會于溴梁。以告晉侯者。許本先時四兵伯夷之後。周武王封其苗裔文叔於許。以續太岳之嗣。此地豈可聽其終沒於楚哉。且許為楚所據。設尹置戍。以與鄭仇。處鄭前。從楚無患也。今以晉之勤鄭。有蕭魚之會。鄭將一於事晉。而楚必忌之。其伐鄭當不能已矣。若晉以此時先伐許。將復收許之故地。而鄭即因以得固其疆。國焉晉之取威定霸。固於是乎在。可勿務乎。凡此皆鄭伯所可藉口。以中晉侯之隱者。於是晉侯承悼公之餘烈。有志振興。當其以魯故執莒子邾子既足。示威於齊。則此因鄭伯之言以伐許者。不亦足以示威于楚耶。以故許之而旋以其夏五月伐許。其伐許不會諸侯。而以諸侯之大夫者。亦緣三月之會。諸侯于溴梁更有戍寅之大夫盟。皆矢於同惡相恤。乘此初試。必務有勞。晉師以荀偃帥之。即令並轄諸大夫之以師從者。惟鄭伯先陳伐許之策。則使之親歷行間。

以為之倡。度當有所表見也。是不可期於集事乎。而抑知不然。晉之荀偃。前嘗弑其君州蒲。今晉侯亦非其所憚也。至是而主兵伐許。乃有鄭伯。間之以冠其上。以為臣不可以過君。則荀偃之不用。鄭伯命者。決矣。至諸侯之大夫。若魯之叔老。衛之甯殖。皆亞卿。宋大夫又其微者。不得以名見。由是伐許。在鄭伯。彈欲身先士卒以倡之。其他國之大夫。勢必顧瞻荀偃。有不獲一心而并力者。且許有楚之守臣。日督其戍卒以圍城。固拒雖圍之而不能克。又使人告急於楚都。楚子或怒而自將。驅其精銳以兼程赴援。庸以當乎。觀春秋但書伐許而止。其為無功而還。與其畏楚救而連還。概可知矣。

## 秋齊侯伐我北鄙圍成

管見成。左傳作鄆。非是。去年夏齊侯伐我北鄙圍成。不克。故于此年秋復伐我北鄙而圍之也。惡得易成。以為鄆哉。

一圍再圍。意在必克。成而後已者。然成人則有備矣。夫  
之圍成。公救之。以師至。遇。又齊侯辭圍去。季孫宿與叔孫  
豹帥師城成郛。固。早料其必謀再圍。成矣。當此年春。齊侯  
伐我北鄙。不聞成。成人知其以詭道陷我。欲使之疎于守  
備。而擊其懈也。乃益相與戒嚴。故及秋而齊侯伐我北鄙。  
圍成。成人于此並不望公之救。獨憑季孫宿叔孫豹所城  
之成。郛堅守固拒。齊侯環而攻之。莫得入。亦仍不克而還。

## 大雩

〔管見〕此與前之五年書秋大雩。其為因旱禱雨者同。惟此  
年夏既書五月甲子地震。而其秋又以禱旱書大雩。先壞  
民居。繼傷民食。其被災非五年之比。魯之於地震。未聞有  
何措施。至于因旱大雩。則亦奉行故事已耳。庸有濟乎。

## 冬叔孫豹如晉

晉北趙氏鵬飛曰叔孫豹如晉言齊之見伐也故十八年  
晉平諸侯圖齊晉故也此說亦據傳意為辭而於叔孫豹  
之告急於中行獻子及范宣子賦圻父鴻雁之詩者則從  
各益度當時如晉言齊故之情事不慮得習於聞雅若此

十有七年

春王二月庚午邾子貜卒

管見孫氏復曰前年晉人執莒子邾子以歸此書邾子貜  
卒者晉人尋釋之耳莒子亦同此意自當指出但春秋書  
執而不書釋蘇氏撤曰不告也似未確蓋執莒子邾子為  
晉之罪則當書釋莒子邾子不得為晉之德則不書書豈  
為其告不告哉且此邾子貜者以黨于莒子而伐我南邾  
公訴于晉晉侯執之以歸尋得釋而反其國旋於此年春  
二月庚午卒其必不使告喪於魯可知矣而春秋特書其  
卒者何亦以此年冬邾人伐我南邾此後二年之春正月

諸侯盟于祝柯。晉人執剡子。所稱邾人邾子者。乃嗣立之。邾悼公華非宣公。邾子邴也。故特書其卒以辨之。

## 不人伐陳

晉見高氏閔曰。七年都之會。陳侯逃歸。自是不復與諸侯會。而楚師連年伐宋。宋於是請于晉而伐之。家氏鉉翁曰。宋人伐陳。以撓楚也。按陳之叛晉。即楚者久。而宋忽以此年請伐陳。其意非惟欲悅于晉侯。亦並欲因以得悅於晉卿荀偃耳。去年秋。叔老會鄭伯。晉荀偃衛甯殖。宋人伐許。許男甯久遷于葉。其故許已屬於楚。是晉之伐許。即所以撓楚矣。而卒之無功。其時之會師者。惟宋大夫微。不足數而稱人。在晉之荀偃。必將有言以咎宋之遣將不也。宋之公族莫盛于華氏。自華元之子華閱先後卒。閱弟華臣尤以暴亂自逞。宋人將逐之。則向氏之左師戍前。嘗聘魯以盟。公于劉者。必當執政。即可知此頓謀伐陳。以撓楚之役。實為出自向戌無疑矣。晉侯及晉荀偃聞之。能無說乎。



宋公固。已在位二十年。其執政時事。亦操兵柄。則今之欲伐陳。亦遂伐之而已。彼宋公。其能制乎。此春秋所由書宋之伐陳。初莫得辨其為君為卿。而獨統稱宋人以貶之也與。

## 夏衛石買帥師伐曹

〔管見〕按此衛之伐曹。亦由去年冬公會鄭伯晉荀偃衛甯殖宋人伐許曹之師。獨不會晉荀偃使衛伐之耳。衛之權在孫林父。甯殖黨之。其時衛侯之在位如寄。則此帥師伐曹。非能主其命者。有臣石買。雖列在大夫。特不絕前石殲之餘緒而已。勢甚微。豈嘗得以名顯哉。而春秋於此年夏。笑書衛石買帥師伐曹。衛之於曹。適何所怨而伐之。衛伐曹之師。其大夫石買。又適何所受命而帥之。使讀者推所由來。則石買之帥師伐曹。其為衛卿孫林父甯殖之役。而孫甯又實為晉卿荀偃之役。必可知矣。至左傳所記謂孫林父之子孫蒯越境而田於曹。曹邑重邱人訥之。夏石買

孫蒯伐曹。取重邱。注。孫蒯不害。非卿也。攷經文通書。大夫無卿之名。大夫為卿則害。非卿則不害。豈有據乎。又明年夏。晉人執衛行人石買。傳稱孟執孫蒯而不見於經。注。孫蒯不害。父在位。蒯非卿。意蓋以孫林父在位為卿。足明其子孫蒯之非卿也。是尤為曲說矣。

# 秋齊侯伐我北鄙圍桃齊高厚帥師伐我北鄙圍防

管見桃地。闕防。滅氏邑。皆在魯之北鄙。齊侯及齊高厚分師伐之。而遂圍之。同在此年之秋。蓋據桃與防接壤。齊得借以互為聲援。魯必因之交相震動。乘此刻日急攻。必當得志。詎復猶是前之一再圍成而卒無功也哉。然十五年之圍成。季孫宿以叔孫豹帥師城成郛。則知十六年之齊復圍成。季孫宿早備之矣。又寧不料其圍成不克更有此。

十七年之圍桃並國防。那桃為公邑。猶待季孫宿之申嚴守。禦防為臧氏邑。彼臧孫純以知稱。而其後之卒證為武。與季孫宿同。則獨令其自為區畫。以矢於慎固可也。以故此年秋。經書齊侯伐我北鄙。圍桃。即聯書齊高厚帥師伐我北鄙。國防。惟是圍之已耳。亦皆不克而還。若傳文於圍桃無說。於國防特詳之。初稱高厚圍臧純于防。逆之者師。自陽關至于旅松。不敢至防。送之者師。甲三百。宵犯齊師。至旅松而復。則仍入而守防也。臧孫純但謀自脫於圍而遂以防委之齊乎。此其怯懦非夫。亦已甚。何以為臧孫也。至後稱齊師去之。齊人獲臧堅。彼其犯齊師以送臧純。臧堅不與其獲之既屬。無因。且齊侯圍桃。並使高厚國防。所獲者。惟一臧堅耳。而又稱使夙沙衛唁之。且曰無死而臧堅仍不顧而死。則是秋之傾國大舉。必使至於一無所獲而後已。焉在齊侯之心。誠胡為而出此哉。凡皆反覆推求而莫明其政。姑以存而不論置。

# 九月大雩

〔管見〕去年秋大雩。以旱故而。伏秋熟之禾。不得。遂於九月大雩。又以旱故而。使秋種之麥。不得生也。其書時書月之辭。大概如此。

## 宋華臣出奔陳

〔管見〕宋華臣。乃華元之子。華閱之弟也。閻子為臬比。傳謂宋華閱卒。華臣弱臬比之室。使賊殺其宰。華與賊六人。以鉞殺諸盧門。合左師之後。左師懼曰。老夫無罪。曰。臬比私。有討于吳。遂幽其妻。曰。并余而大璧。宋公聞之。曰。臣也。不惟其宗室是暴。大亂宗國之政。必逐之。左師曰。臣也。亦卿也。大臣不順國之恥也。不如益之。乃舍之。左師為已短策。身過華臣之門。必驂十一月甲午。國人逐燕狗。燕狗入于華臣氏。國人從之。華臣懼。遂奔陳。按宋之合左師為向成。

本桓族。其抑于戴族之華氏者久。今值華元之子罕閔卒。其弟華臣有罪。宋公言必逐之。此正向成之隱。顧也。而復請于宋公。以舍華臣。夫豈出于中心之誠然哉。亦欲使華氏聞之。雖華臣終當被逐。要皆無所繫於向成焉耳。觀其為己短策。苟過華氏之門。必駢走。不能容。宋廷一日有華臣之跡。必可知矣。惡得免于出奔陳乎。獨側言出奔之由。以為癡狗入華臣氏。國人從之。華臣不知。以為討己也。故懼而驚走。以奔陳。則有不可泥指以為實者。為嘗觀華氏之前事。當襄公六年夏。宋華弱來奔。傳謂宋華弱與樂轡少相狎。長相優。又相謗也。樂轡怒。以弓撻華弱于朝。公見司武而撻于朝。難以勝矣。遂逐之。宋華弱來奔。司城子一曰。同罪異罰。非刑也。專戮于朝。罪孰大焉。亦逐樂轡。心射子罕之門曰。幾日而不我從。子罕善之如初。按司城子罕。宋樂喜也。亦戴公之後。與樂轡同族。樂轡專以弓撻華弱於朝。無君之甚。公不問。獨以華弱之不勝司武而逐之。於時司城子罕直核其罪。不請于君而自逐其同族。

樂囂亦強幹能執法者及茲襄之十七年秋華臣為戴公之分族與樂囂之子子罕同樂氏者較疎適而有罪當逐公欲逐之而向戌說公舍之此年之宋司城猶是子罕也彼心非其宥罪失刑詎不能以前之逐樂囂者逐華臣乎然則謂宋華臣之去奔陳即為子罕所逐正有據矣彼宋之左司向戌亦早料子罕必從宋公之志以卒逐華臣故其先亦復曲為之辭以止公者徒欲自見其與華氏無猜而使逐華臣之子罕為之怨府已耳

## 冬邾人伐我南鄙

管見按高氏閔曰邾子先君邾以伐魯而為晉所執既歸而卒嗣子乃復興師以伐魯此為得其情矣又薛氏季宣曰乘齊之圍報執之讐此說與前十五年夏齊侯伐我北鄙圍成秋邾人伐我南鄙其乘間亦同至左傳以為為齊故杜氏遂謂齊未得志于魯故邾助之然求諸前後經文邾之叛晉而與齊者未見所據